



10922





沅湘耆舊集卷第一百八

新化鄧顯鶴湘臯編輯

長沙毛國翰青垣校訂

唐舉人昭淳 十三首

昭淳字梅冶湘潭人乾隆庚寅舉人年二十一卒  
有惺菴詩存梅冶爲魏子五世孫負才早卒近其  
族子祖价搜其遺稿鋟木中有鑿石浦弔杜三章  
亦見朱怡典荔堂學詩錄與此小異

雜詩

昨日衣羅衣今日衣狐白秋陽九月天同雲雪盈尺人事  
竟何常天心不可測有客倚高樓促節弄瑤瑟空寒苦調  
沅湘耆舊集卷第一百八

微四野悲風栗

翔陽翳扶桑東隅窈無極神明燭萬里至近不可格八埏  
有窮陰不掩青陽德所苦無燭龍天門燁夜色况乃元雲  
馳慘澹關山黑

詩書信有神身世良不易文人弄柔翰圖書肆孤誼惜哉  
聖賢心徒供青紫計錦衣驕妻妾膏粱飽奴隸志趣已如  
此安問天下事

客從京華來慇懃問風俗云多滌面膏頰水顏如玉朝士  
美丰儀藉之策高足觀風卜一言此言何可讀

之子在空谷被服素羅衣幽居二十載未解畫修眉漆室  
倚柱嘯監門中夜悲所思隔雲泥有懷莫致之莫言顏色



改但患素心移清歌待明月皓首以爲期

願爲

願爲山下茅不作瓊花樹瓊花媚貴人茅簷覆黎庶  
願爲涓涓露點活夏枯草露下已無多炎風不相保  
願爲團扇花西風吹不絕歡便棄深秋芳心不磨滅  
願爲碧藕蓮待郎瀟湘浦郎食蓮子甜應識蓮心苦

常州刺史吟

常州刺史五花驄十載靈和柳殿風詩人老去耽歌舞便  
殺花裏活秦宮花裏偷結桃花子五夜軟風吹露水野鳥  
枝頭護寄生寄生濃翠親枝菱州樹千頭舊木奴一頭不  
與親公子燕子樓開三十春常州朽骨久成塵五陵衣馬

沅湘耆舊集卷第一百八

二

鳴珂子道傍長笑春申君君不見秦華插天海無底吹山  
何處南風起奇貨千秋擅祖龍不平世事已如此花霧空  
濛撲酒尊秦宮客騎如雲屯門前乞食凍欲死乃是常州  
刺史孫

花飛三首

天台春盡悵華年多負流光曲檻邊仙夢纏絲曾幾日彩  
雲搖漾竟何天杜蘭帶露飄殘月萼綠從風散晚煙往事  
千金難一刻傷心劉阮憶前緣

怕逐蓬根別院颺梅來歌板醉霓裳引他香夢無停駐欲  
問花神已渺茫應信一枝全未折無端三徑總成荒如卿  
生小瓊瑤種碧海蓬山春正長



懷孫敬亭

百年霜鬢嗟遊子萬里妻孥獨病身今夜西風何處宿故人天際為傷神

周教諭大澍 五首

大澍字雨林長沙人乾隆庚寅舉人歷官武陵教諭甘肅知縣改新化教諭有雨林文鈔先生改官新化時年已篤老獨喜同余兄弟談文嘗為余題蓬萊閣觀海古體詩博雅可誦後圖燬於火此詩遂無副本先生善古文曾見其所為家傳紀國變時事甚悉今訪其家已不可得詩稿更無從蹤跡矣

沅湘耆舊集 卷第一百八

弔朗州古烈女卽次其韻

風鬢淚雨暗傷春愁絕蒼梧遠隔身何處空江無杜宇不堪斷竹有伶倫弄珠雲夢龍宮女淩雪湘魂屨市人一片洞庭波下上湖心山髻與波親

按烈女詩見是集四十四卷女士

題大庾楊鈍夫離騷影傳奇

絕代風流湯玉茗天然標格蔣苔生而今翻出離騷影宗派西江字字清

狀元才子古猶惜香草美人今尙存並與琵琶作雙絕千

秋大義此中論

巴渝解勸使君歌小拍紅牙喚柰何纖盡綺言還度曲幸



官身現說維摩

壺頭鬬下桃花水踏遍花猫唱竹枝無限湘靈怨湘瑟峯  
青江上月明時

孫洪洞黃二首

黃字翊天新化人乾隆庚寅舉人官貴州龍泉縣  
山西洪洞縣知縣以事謫戍軍台著有前後穹廬  
詩集

新化北郭故有浮圖後圯於水邑中父老思協力募  
復詩以堅之

城闈迤北亂峯坳一塔曾陪縣閣高山勢四圍原斌媚浮  
圖七級更周遭空聞石磴捫星斗幾見桑田付海濤陵谷  
沅湘者舊集卷第一百八

三

變遷殊靡定愁聽漁唱度空濠  
楚鬼還聞越亦襪刮毛龜背盡山谿鋤經士半歌商頌犁  
雨人多病夏畦且就盤飧從儉減便同畚鍤赴工齊落成  
不朽輸君輩肉緩筋駑我愧穉

王教諭架一首

渠字絜齋寧鄉人乾隆庚寅舉人祁陽教諭絜齋  
爲九溪先生之子九溪諸子皆有文學絜齋詩筆  
尤老惜不多見

浯溪磨崖碑

浯溪磨崖豐碑天下奇昔侍先徵君時曾見之奔馳南北  
廿載卻復至笑攜青氈舊物先後期十有八年株守此溪



側數千百遍摩挲元公辭有唐文運起哀自公始滌除八  
代綺靡昌黎隨每怪平淮西碑遽顛仆至今中興頌石無  
人摧文章歷劫斬斬辨忠慝立三不朽始足銘鼎彝退之  
佛骨一表棄嶺外次山經略以後誰窮追此昔人臣遇有  
幸不幸豈足軒輕臣節相參差公道昭彰日在人耳目山  
鬼亦畏風雨常護持我攜季子日拜此碑下令搨萬本本  
本題吾詩使知咸有一德記古訓安在老於文學誇一時  
不然但議肅宗有慚德此碑此厓久已沈江湄

梁縣令永洪一首

永洪會同人乾隆庚寅舉人官廣東知縣有集未

見

沅湘耆舊集

卷第一百八

又三

登金龍山

遊山不厭高將以窮清曠登躋無定蹤紆迴隨所向絕頂  
逶迤攀豁然舒四望雲背出諸峯山腳攢千嶂九巖遠若  
浮五溪杳難量身當白日閒坐愜青雲上始知天宇寬凌  
虛騁豪蕩於此欲淹畱夕陽催晚唱

毛教諭琇

八首

琇字華谷長沙人乾隆辛卯舉人歷官平江新化  
教諭先生爲先叔父鄉舉同年當叔事外大父毛  
松隣府君於余兄弟爲舅氏行官吾邑時余方隸  
弟子籍左右惟謹一日爲余朗誦遊雙清亭詩愛  
而識之蓋數十年不忘也竊意先生他詩必佳近



與其家青垣秀才國翰交出示一冊則其族子某  
所手錄者雙清詩在焉蓋亦無有能踰美是作者  
故所存止此

少日

少日恣遠遊策馬走大荒草木潰亂處其中有虎鄉負嵎  
誰敢撓雄踞大石崗一吼山谷裂一嘯天風狂雄者既暴  
戾雌者亦跳梁魑魅相擁護俛鬼爲前行無辜鹿與豕血  
肉何狼當狡黠升木獯聞風亦遁藏綏綏老雄狐椎魯類  
慈良朝夕順虎意左右巧趨踰虎悅狐媚已狐心實匪臧  
伺虎出山時狐擅作妖祥狡兔連成羣雞犬不安康半夜  
聞號叫弱肉充飢腸見此三歎息踟躕立道傍回馬望郊  
沉湘耆舊集卷第一百八

四

原羣虎各分疆一虎挾一狐狐虎遍四方山澤罄搜括搏  
噬方未央民物日凋耗墳首悲群羊麒麟在東國至仁眞  
聖王我欲往訴之綿綿道阻長

古意送梁大尹

盜泉堪止渴惡木豈無陰嗟彼清修士獨懷危苦心義明  
節以立利在害斯尋蹈道爲君子何曾有古今

見新月有感

老樹挂新月誰彎射虜弓祇今傳宛洛無日不兵戎梗化  
苗猶在征南道未通滿懷憂國慮搔首望蒼穹

舟次臨湘

連日阻風濤江干悵寂寥維舟步井里問俗盡漁樵縣治



荒無事村民樸自饒桃源何處是此地若爲招

懷安左衛驛

皇輿古漢郡左衛舊邊疆沿革由前代遷移近大荒牆深  
春草綠沙擁暮雲黃一夕溫泉水方知惠澤長

秋園

薄暮秋園裏蒼蒼野色昏  
小棚螢火出花砌草蟲喧將墜  
葉畱樹不飛雲近軒泉聲來石澗汨汨醒心魂

天涯

天涯飄泊欲何爲浪跡萍蹤任所之  
遠志出山名小草荒榛當路翳靈芝  
自憐去國同王粲誰復逢人說項斯  
料得升沈分已定倦飛越鳥憶南枝

沅湘耆舊集

卷第一百八

五

遊雙清亭

此地雙清古有名到來心跡亦雙清  
前人遺墨豐碑斷我輩餘閒望眼明  
歷落亭臺隨地勢潏澗洲渚自天成  
野遊風月誰爲主歸聽濂溪琴數聲

自注時羅湘舟太史主講濂溪歸途順訪之

胡羅源啟文

九首

啟文字樸園永綬廳人乾隆辛卯舉人官羅源知  
縣有集未見樸園先生爲先叔父鉅野君同年余  
初不知也嘗於蘭柴石溪二老及湘陰二周集中

見其姓字稍知爲三廳人亦不知其名啟文也檢  
通志三廳人物傳無有及閱選舉表見啟文名籍

永綬與樸字義合妄意卽其人徧訊之同人無有



知者吾友善化湯彝幼尊語余曰吾兄質吾往居  
五算久嘗畱心文獻盍往問之時質吾在桃源書  
去而質吾以啟文詩來則真樸園也爲之喜躍感  
喟不已竊歎樸園在當日有盛名與吾縣孫石溪  
吳蘭柴諸老交又同石翁及湘陰周氏兄弟客湖  
北學使洪素人許素人固名宿嘗盛推之卽麓樵  
集中所稱七子之一也今去世未久而方志不爲  
立傳里社不知其名以余之好事又託在年家子  
老知眊及始展轉意度幸而得之其他之湮沒不  
傳者可勝道哉

至嶽麓懷雪幃

沅湘耆舊集

卷第一百八

六

扁舟遙泊大江隈此是孤遊第幾回絕巘石多三古字寒  
煙松有六朝栽山川滿目人何去樓閣當空雁獨來黃菊  
紫萸誰共把含情一過道鄉臺

與孫生

溪州遠上碧雲端負險當年此彈丸故壘荒涼銅柱在霸

圖消歇土居安

原注苗疆民曰土居故有土目土舍之號

蕭蕭往事如黃葉嫋

嫋秋風汎紫蘭空谷有人今是玉莫言僻陋少殊觀

將就試長沙寄潘竹軒表叔

垂柳鬢鬢小住廬三年人讀數行書熙時自恥長貧賤則  
古甯知衆毀譽東郭如雲收糶稔西風昨夜過簾簃劉琨  
終爲雞聲惡眼底流光去不徐



西上嶢嶢嶺路艱念君爲客幾時還秋生落葉寒塘外人

在浮雲古戍閒別院風清朝磬發原注永綴產磬石孤城月上暮

潮還原注潮水溪在小西門外尺書寄我知何處帆轉鴻飛六六灣

安州寄懷柴司馬

雨過涼生脫葉飛馬前秋色上征衣百年歲月如流水萬

里關河有落暉西穴雲深蟲篆蝕洞庭波渺雁聲微鄉心

已共秋懷切况望龍門有德輝

都下寄惕齋司訓城步

故國耆英纒夢思又聞君到粵西垂黔山暮雨都梁縣巫

水秋風壯繆祠吾道可傳隨處足一官爲養莫言卑南看

萬里空雲白獨媿毛生捧檄遲

沅湘耆舊集卷第一百八

水南

碧水蒼蒼護綠疇荔支陰外有高樓雲霞鬱鬱凝佳氣村

曲人人識故侯客久蠻情徵瑣屑年豐旅食待綢繆海天

細雨黃昏近松桂蕭蕭滿院秋

秋日懷舊居寄白溪周二信

漂零世業逐風沙紅蓼園中血淚花茅屋昔聞歸別主芳

隣今見住誰家雲橫斷嶺人千里草掩孤墳天一涯原注先慈墓在

我憶梅林騎竹馬邗堪回首對霜葩

道中聞澗水聲寄惕齋

一爲遠客海天漫流水心期君舊看若與課晴茅屋下溪

聲還聽枳花灘



鄧鉅野長信 十首

先叔父字玉符號壁園乾隆辛卯舉人官山東鉅

野縣知縣以事謫戍伊犁嘉慶二年釋歸歸後閱

二十年卒於家叔父居官多善政以耿介獲重譴

聞者冤之詳顯鶴所作墓誌幼穎敏強記七歲能

文十二歲以默寫十三經受知學使者附縣學籍

詩不多作有出關入關小草俱佚今止存數首附

顯鶴撰墓志云鄧氏於新化不顯明季始居下渡

村之粹木衝自始遷祖至 贈文林郎巖隱府君

凡五世單丁不振贈君之子文學府君始以其學

授徒資湘間有名於時二子能世其業其一舉於

顯官縣令是為鉅野府君以忤上官獲罪任復不

赫然稱之十二歲歸應童子試郡守覺羅德興領

公詫為神童言之學使者面試十三經皆背誦通

沅湘耆舊集 卷第一百八

八

歲大意詩文奇肆操筆立就大驚訝補博士弟子

員年三十始中式乾隆三十六年湖南鄉試舉人

又十年以大挑官山東知縣初試高唐州補曹州

府鉅野縣多盜而好訟繁劇難治府君至懲積

弊決帶獄鉅野擊暴縣大治府君剛果任氣外嚴

內明人不敢干以私大治府君亦憚其直職介而

之者眾矣姚于以縣細民也以其事繫懸待質歷

丞楊甲奉檄緝盜至縣欲文致其罪以為已功府

君訊無左證釋之揚快去後姚以江南句容縣

劫庫案牽連舉發大府以縱盜罪府君楊從與之

人以洩前忿府君曰他邑盜吾邑民罪不相蒙殺

盈道府君設法振濟不遺餘力鉅野歲例澹澹河

八十里重臣往來相視皆駐縣境民閒差累不堪

其擾府君一切蠲罷出私錢顧夫役坐是太困又

前令積萬難款至三萬有奇之多大府責令償補

計無如何則授意代者籍索細故入乃撫拾姚氏

官錢坐以威姚氏官錢者姚丙兄弟以爭產訟府

君案之斷五十緡充官濬河而主吏漏報竟以是

坐遣戍伊犁居伊犁八年始釋歸歸後益困乏至

無以為生課徒自給又二十年以嘉慶二十有一



年十一月日卒於家春秋七十有六其年某月日  
葬於太平原祖塋之麓曾祖諱林材祖諱元亞父  
諱勝達祖及父皆贈如府君四年卒妣李氏妣劉氏  
皆贈孺人配彭孺人後府君官祖妣李氏妣劉氏  
子監生鵬孫五人琦郡庠生益府君歸自伊卒後  
日夕守課望其成立者也女一人適國子監生唐  
世偶嘉慶癸酉拔貢生試廣東豐順知縣唐琳其  
外孫也府君諱長信字玉符一字璧園博聞強記  
令鉅野時充乾隆癸卯山東鄉試同考官書得聞  
學淳等九人多名宿致通東居伊稔無考書可讀日  
背誦幼時所讀經典無遺悞居官精敏明幹所至  
有聲初試高唐時巡撫國泰貪暴凌其屬不取加  
無禮於府君阿桂文成公以視河工過鉅野亟稱  
府君才可任卒獲重譴不竟其用不顯於時嗚呼  
痛也夫可鶴叔父也銘其叔父所以用世而不起其身  
政足以易俗而不諒於人其罷而譴也既無以理  
其枉其窮老而死也復無以捄其貧豈賦命之果  
厄胡所遇之皆屯鳥乎史

出關

沅湘耆舊集 卷第一百八

九

慘澹秦時月 峒堯漢代關 幾人歌出塞 終古祝生還 黯黯  
邊樓色 蕭蕭壯士顏 中原何處是 回首淚潛潛

戈壁疑無地 穹廬別有天 沙兼滄海闊 星擁雪山連 久鑿  
張騫空 新屯充國田 早知編成籍 努力及丁年

莽莽風雲氣 勞勞孤孽心 敢嗟臣命薄 還載 聖恩深 一  
統無中外 重門自古今 人生感意氣 羌笛有同音

出塞重回首 天涯淚欲揮 浮雲屯大漠 落日黯邊旗 末路  
功名賤 浮生心事違 刀環終有約 何日寄當歸

遠疆

自歎平生讀父書 絲毫無補但愁余 千磨百折塵寰裏 九  
死一生世網餘 民社徒膺空復爾 君親共負竟何如 遠疆



尚欲涓埃報慚愧蕭蕭兩鬢疏

喜方濱州融踵至成所

去秋餞我出東猶今歲逢君氣尚豪天外故人欣聚首邊

陲幕府又同曹原注同派印房當差穹廬地迴邊笳急都護城荒夜

月高各勉桑榆收末路荷戈朝夕莫言勞

哭方濱州卽送其匱歸巴陵

行行策蹇出東徂弔意氣何如解佩刀我已謫居經險遠何

期君復涉風濤原注余蒙難後賴刺史力周旋居多已酉秋遣戍伊犁踰年而君踵至豈非緣耶

公車初下我懸車將伯誰呼可助余風雨漫天傷往事中

原回首其歛歎

榆關風雪太恩恩原注君以辛亥除日抵成沙漠無端陷此公死別生

沅湘耆舊集卷第一百八

十

離原不免那堪絕塞叫孤鴻

玉塞春風鴻信宿君山夜月鶴歸來可憐一片黃沙地尙

有人聽畫角哀

李學正會甲三首

會甲武岡人乾隆辛卯舉人官靖州學正

昨日

昨日尊經閣但見白玉環朝來乾雀喧稍見青琅玕曉日

鴻濛跨海出亂雲奔脫只留斑老鴉披頭青靛界空中恍

惚露孱顏風和土酥行人出便擬一散腰腳頑清景娛人

旦夕異疏狂如我緣非慳請君試問南天雁幾時帶將春

色還



愁霖行

孟春之月草始芽繞郭煙嵐護晴沙城南溪水似若耶中  
流快聽回帆過豈謂陽烏匿赤華江屋搖動吁可嗟沈沈  
江樓隱暮箔惟看白竹千山遮頽垣剝落溼黏蝸老柏偃  
蹇風翻鴉牀牀避漏野人家我亦几榻支橫斜牽蘿補屋  
謝兩丫漏天須補煩靈媧安得壯士挽日車扶桑妍曠薄  
窗紗綠楊踈地垂鬢鬢雙柑斗酒水一涯何時眼前笑兀  
堆綺霞殿中閑卻白鼻駒

艮山寺偶感

官舍逢春只臥遊那知人世有丹丘故山久已荒三徑海  
外空傳更九州舊迹偶畱鴻爪印此生未作坳堂舟松風  
沉湘耆舊集卷第一百八

十一

滿谷聞無盡徑欲常來枕石頭

黎餘慶大柄一首

大柄號謙庵寧鄉人乾隆辛卯舉人官餘慶知縣

初赴綏寧學任

家居亦慣坐寒氊此去輕裝更可憐敬戒恰同初嫁女清  
冷猶是在山泉飛騰敢望遷楊震落拓無妨老鄭虔莫謂  
崇寧偏僻地 聖朝文教待傳宣

張待詔廷祿 六首

廷祿字待詔號雪川湘陰人乾隆辛卯副榜貢生

著有樵古堂詩集雪川少有才名以大興籍舉順

天鄉試蔡萬山相國嘗序其詩集歸後闢桂樵園



以終存詩不多饒有古意

登泰山

攬轡齊魯道憑軾緬山川欲觀滄海日遂躋岱峯巔舉手  
捫天闕在目忽已懸萬里渾無端九州辨微煙霸圖盡銷  
歇丘塚何連綿想像躡崑崙凌風攜飛仙至道謂可覺元  
氣相與旋

雍三

周室綱不振殉葬自戎鄙賢哉悔過詞豈不顧孫子人心  
愴國良天道惡滅紀灑淚望雍丘鬱鬱何相似楚人發秦  
穴誰云獨遺此寶物不可埋三良骨何委至今枳棘閒黃  
鳥哀未已

沅湘耆舊集

卷第一百八

三

金雀臺懷古

登高望四塞雲驅萬里開朝擁車騎去暮逐旌旗來不見  
燕山桂猶聞金雀臺蜚聲徹天漢意氣何壯哉北上琉璃  
橋落日照河隈爲問古行迹東流不復迴

太行山

憑軾孟門東遙望太行山蜿蜒數千里上亘九霄寒重巒  
合杳何盤盤丹梯萬丈窮追攀我欲陟頂捫天關舉頭見  
日海飛瀾坐無赤羽空長歎崑崙冰桃不可得黃河東去  
白雲閒下山何易上山難驅馬迴九折歧路苦多般左俯  
虹蜺飲巨澗右躡猛虎窺孤鷲自古跬步慎失足一朝不  
顧虞摧殘茫茫六合固其端姦雄至此猶灰顏安得帝命



移山去平原萬里馳車還勸君緩步且加餐上山不易下山難

洋沙湖

孤巒隱隱翠如環撥棹雲煙杳靄閒百尺浮圖爭對出推蓬先看女洲山

湘城柳

湧金門外柳垂金三日不來成綠陰折取一枝進城去教人知道已春深

孫隆平先振 四首

先振字岳庭善化人乾隆甲午舉人官直隸望都

武清撫寧隆平知縣隆平居官廉慎所治縣當南

沅湘耆舊集 卷第一百八

三

北之衝乾隆中兩金川用兵徵發絡繹隆平民不知有差累也近體詩雅近七子饒有風格

古意

冷洽松下風落落澗底石美人抱綠綺端晏坐瑤席幽懷發新詠餘響多清激山中有奇草歲晚不可食采之欲遺君卻立長太息

清風峽

一磴盤旋入翠微晚來煙靄合霧霏四山風雨龍初出百尺松杉鶴獨飛幽谷稍聞樵唱發中峰時見寺僧歸藥苗新長黃精盛擬辦長鑱與短衣

岳麓寺



碧蘚蒼苔路幾重禪關終日白雲封定中老衲須眉古春  
盡深山草木濃百丈寒流朝洗鉢數聲空翠晚鳴鐘六朝  
風景虛岑寂賸有巖前一樹松

抱黃洞

幾度雲峯策杖過傳聞遺蛻此山阿虛壇晝靜鳴樅檜古  
洞春深長薜蘿千歲猿猱緣樹上一羣麋鹿出山多丹池  
藥鼎今陳迹笙鶴飄飄竟若何

謝猗氏振字一首

振字字元亭湘鄉人乾隆甲午舉人官猗氏知縣

飛來石

何年石飛來居此嶽峯頂斑駁古苔封孤亭上森挺秋澄  
沅湘耆舊集卷第一百八

古

天地空日落江湖迴中有飛來人憑虛目一醒

沅教諭大綬三首

大綬字進賢號雲階益陽人乾隆甲午舉人官安  
仁訓導麻陽教諭以學行稱有集先生爲乾隆丁  
卯舉人清之子國初詩人應召之孫子芝與余鄉  
試同年亦有詩集

書沅江曹烈婦畢命事

并序

烈婦吳啟秘之女適曹家政二十八夫故遺二子方穉  
襟舅姑皆歿惟繼祖姑在事之盡孝會歲歉乏食夫之  
黨迫令招夫撫子吳不從號泣赴水死

妾本儒家女幼嫁里中兒願同比翼鳥願作連理枝十年



傾所天涕泣誓相隨婆娑兩兒女幼小憐嬌癡堂前無伯  
仲室中無儲資偷生固背義判死亦不辭勉強事提攜辛  
苦力操持兒女漸漸長貧賤甘如飴胡遭不造撤我藩籬  
乃納狂且罔念四維嗚呼噫嘻東日不西出南山不北移  
節義不可虧鬼神不可欺狂且在室意欲何爲履我東房  
闔拂我東房帷忽然整衣履忽然理容姿顛倒日欲夕款  
款前致詞嗚呼噫嘻妾頭可斷妾肝可披妾膚可裂妾體  
可糜妾心堅白不磷不淄狂且狂且胡不知嗚呼噫嘻妾  
心悲撇兒女兮泣涕漣而雄狐綏綏兮誰實使之畢命盡  
志兮數固奇前山曲兮水滿池妾死此兮夫復何疑夜悄  
悄兮毋遲遲九泉之人兮俟妾多時

沅湘耆舊集

卷第一百八

五

秋日同黃營川李西銘遊天元山疊韻

蜿蜒頓疊勢排東成嶺成峯各不同澗水飛流寒齒石秋  
山骨立瘦梳風徑幽深但草環紫寺曠閒惟鐙點紅卻笑  
禪心關不住一聲清磬出雲中

逾午盤桓路轉東茲遊奇絕許誰同重來應話三生石歸  
去頻攜兩袖風好境空過如曳白凡塵隔斷只飛紅寒蟬  
衰柳商飈急都在蒼茫暝色中

鄒副貢暉桐

八首

暉桐字梧岡湘鄉人乾隆甲午副榜貢生選永明

教諭不就性好遊覽老攜一子客粵西染瘴疾父

子俱卒有絕筆詩三十首余未見其詩亦不知其



人也一夕夢一虬髯人擔簦來謁狀甚憔悴似云  
將從余兄雲渠先生授經或云此鄉二也手一軸  
伏地作頂禮狀覺而怪之異日於叢書殘帙中得  
暉桐名姓詩詞并其仕履梗概覺與夢中情事合  
遂補錄是卷之末其詩之工拙且勿計也

絕筆詩

有引

憂驚哀慘內傷於心瘴癘炎蒸外傷於氣脉微病重有  
死無生老夫急不擇音諸公憐而賜和

平生南北與西東一葦浮沈苦海中且就慈航登彼岸回  
頭萬念已成空

塵寰半百歷艱虞不是癡狂卽是愚落手工夫今始得非  
沅湘耆舊集

卷第一百八

六

仙非佛復非儒

尺書催促召修文已分驂鸞赴白雲儻有丹豪書紫府更  
無墨瀋落塵氛

不生不滅自還元無去無來道義門蟲臂鼠肝隨變化魂  
仙魄聖又誰論

傳贊碑銘一筆刪不留笑柄到人間半生事業忙如許萬  
古泉臺好是閑

酒血揮豪一再歌死生勘破更如何西方淨土非吾樂直  
欲乘風上大羅

詩才會未夢長庚書劍飄零過此生寄語諸公休作誅原  
無一技可成名



不將哀怨學彭咸  
忙寫遺詩代別函  
遍寄鄉關好親友  
數行血淚溼青衫

沅湘耆舊集

卷第一百八

七

沅湘耆舊集卷第一百八終



新化鄧顯鶴湘皋編輯

長沙毛國翰青瑱校訂

吳蘭柴樾七十四首

樾字季文號蘭柴新化人乾隆丁酉拔貢生老於

場屋卒以明經終先生為建軒進士母弟時稱二

吳又與同縣孫石溪學博齊名稱孫吳才氣橫逸

不可一世褚筠心學士廷璋視學湖南時稱其近

體詩為七字長城其過許州詩有云紫髯白馬來

江左大耳真龍落漢中受禪有臺橫夕照分香無

塚向西風盛傳於時然非其至也他如過盧溝橋

沅湘耆舊集卷第一百九

云秋水橋邊波乍起夕陽樓外葉初飛送余存吾

太史北上云長亭匹馬衝秋雨淺水孤帆挂夕陽

登邵州城云風生資水煙光碧秋老龍山石氣青

皆老到有風格先生才贍命隻性簡傲多所凌忽

晚應鄉舉為監司某所辱發憤卒詩稿散佚著有

地里釋未成書

送周四麓樵歸湘中

三里河邊水大通橋下流解纜及秋日與子同歸舟過征

在首夏旬日為夷猶豐臺折將離信誓期無愁柴車策老

驪去去不得休霜清盧溝駛月淡滹沱浮河濟水東下太

行天西頭暮雲失銅雀舊縣分陳畱懷古正慷慨肯為行



役憂曲沼魚瀼濁翠撼鳥啁啾信知聚處樂幾日同遨遊  
會面當不遠惜別心悠悠

送周素芳之任建水

女蘿纏兔絲金鍼引磁石漾水入岷江萬里同一碧平生  
素心人離居里未百正如雙龍劍分飛各一隻孚尹圭特  
達金闈早通籍驪駒唱湘水釋褐在咫尺那知百里道握  
手情脈脈清言祛垢氛析理窮變蹟激湍入銜盃深林雷  
岸幘聯牀風雨多談笑寧稍隔悵望滇池行遠躡王喬舄  
竹馬孳嬰兒世事罔不獲所嗟天南垂無由奮六翮愁心  
在君懷隨風入晨夕

酬孫蘅皋索和武昌幕中寄胡樸園之作輒次其韻

沅湘耆舊集

卷第一百九

二

寄呈樸園暨周簪漁兄弟

有序

乾隆辛卯之秋余從蘅皋得交胡樸園及周簪漁兄弟  
彼此情好甚密戊戌北上樸園麓樵會都下日夕過從  
無間而簪漁蘅皋皆在武昌幕中每談及未嘗不娓娓  
難釋也余旣放歸蘅皋亦去武昌南返示余寄胡樸園  
詩章并索次韻效顰之曠信在大方而回憶潭州之遊  
歡會邈不可得此豈當時所料耶雲散風流徒增悵惘  
而已况乎身世之交蘅皋寄情禪悅時命之感深矣毋  
轉念又牽於塵鞅也

邇來捧椽筆翹首慈恩塔彈丸新詩就郵筒達奴鵠難書  
日便便被酒時嗑嗑鍊都嗤覆瓿草玄笑投閣辱惠陽春



歌漸賦老兄答碧海鯨魚掣金埒龍媒馭御風闖崑崙  
雲叩閭闔未得息拗怒何由縱騰蹋帽分管寧阜展學阮  
季臘泛蓮人王幕解懸下徐榻府主費招攜良朋快邀拉  
心愛付歷蛩物化成雀蛤倦遊林颺颺懷歸雨颯颯夢嚙  
已迷藏酒醒亦狂盍歲月白駒馳榮華朝露溘翠薜出文  
楸青壁懸酒榼玉池蠹書蟬長缺鏤劍臘燈炮短檠移衣  
舊重籠搭何當暢優游底事神吐吶詎有驥尾隨許作干  
蔣合紫色造玄黃皇亂鏗鞳雲龍情已洽王霸道仍雜  
西京東洛贖晉帖唐人榻賦硤窮雕鐫款段困匱而汲古  
緬未修齟齬羹可嚙蚪蚪噪井幹鼓鼙鬧閭闔小周引柴  
車髯胡穿革鞞雅素各纏綿雄才紛逾逸瓣香待宗禪塵

沅湘耆舊集

卷一百九

三

尾誰伯黯相期阮門前欄欄羅毳衲

秋杪同吳秋陽登雙清亭

導漾自蟠豕維江導自岷朝宗海爲帝江君漢所臣漚資  
邵水北郡縣各相因都梁合夫彝資乃沅湘倫龍山倒澎  
潺四尺流河身正如大府主人座延嘉賓截江立危石孤  
亭出青雲雲澹漏秋日微風佳氣新綠蘿罩塔頂黃葉連  
城圍石門疊齒峯白雲高嶙峋昭陵七十峯散若積卒屯  
所憐讓衡嶽不得當南巡瀧頭戾估宦仙源迷問津遂令  
大潤澤里間供蔡蘋竹枝唱夢得愚溪記零陵此亭自千  
古題筆知誰人臨風發慷慨含意何由申



打漿渡資岸水石流碑沉薄暮江煙浮蒲帆向林樾清溪  
隨解纜雲岫互出沒昭陵七十峯天際露毫髮涼波澗洞  
來隱見蛟龍窟望舒乘金根翠蕤光恍惚霏霧入陰巖古  
查帶浮筏須臾沉大火孤嶼噪蛩蟹漁歌動笳管野廬添  
梢拙日晚行人稀舉頭見新月勞勞感行役朝昏理布韞  
行當歸田廬青山事耕塋天祿富文史蘭綺懸眉厥升沉  
會有時書空無咄咄館頭津吏迎征夫問明發

登敬州懷古

君不見桓侯廟裏綠沉槍卓地得泉成方塘君不見邵州  
防禦南渡中連橋飛閣倚東風爾來盛跡皆銷歇賸有長  
橋渡江月覽古重過雙石壁裕衲露山骨紅泥亭子

沅湘耆舊集

卷一百九

四

資江頭橫空飛出夕陽樓山嵐罨畫一帶水蔚藍天色連  
江浮小艇亂流何處來水菘一丈波中開酒旗颺颺酒樓  
出仙人飛下金銀臺憶昔邵陵街頭磨鏡客曾從太平寺  
裏畱陳跡物外餐霞人不歸鏡光一點成何益開福寺五  
臺庵塔影北亭影南檀欒修竹柳稔稔赤鯉化龍蟠此潭  
松陰从坐小徑諳長歌擊劍酒半酣城鐘已動猶高談待  
與彌陀共一龕

謁張桓侯廟遂題門樓

仲宣依峴首武鄉臥南陽飢驅雁鶩集威鳳高翔翬烝陽  
劉子初不就荊州辟昭烈從如雲乃爲魏武客桓侯萬人  
敵雅素托文史擇君同壯繆君臣共生歿三傑蕭韓張季



漢還嫺美策命事昭告子初文人耳如何大英雄詆諆爲  
兵子憶昔當陽據斷橋橫矛矚目風蕭蕭阿瞞股栗馬東  
首五千精騎心搖搖巴東戰多又巴西蒙頭盪石喧鉦鼙  
南鄭緣山走張郃蘭筋綠耳空長嘶西鄉錫爵兼司京閒  
過涪縣記題名刁斗銘成愧文士黃鐘大呂聲旬旬零陵  
略地經昭陵曾向南譙試一凭樓頭七屬畱犀甲傳聞耆  
舊猶緘膝廟前一水清八骨長矛卓處涵星月手持杯琖  
托幘幪許我移家黔一突余時方卜居六嶺浮資沂邵恣洞沿大  
樹蕭穆依翠樾當年延接喜清流一曲神絃當肥腴撻金  
擊鼓聲喧匝廟祝睢盱香餽餽迎神送神當有歌廟貌只  
今新突兀

沅湘耆舊集

卷一百九

五

戲馬臺歌

沛公隆準臨中夏項王亦是重瞳者驅兵西向決雄雌虎  
牢成臬若平野衣錦朝遊泗水邊烏雕秋戲彭城下徐州  
豈是帝王都褒斜棧道爲坦途韓信才堪爲執戟將軍空  
自用龍且稜稜金甲收秦隴只有英雄劉寄奴那知失策  
棄關內沐猴千載如同符大江北來逢九日少年意氣生  
斯須戲馬臺前一回首一擲百萬呼擄蒲千古興亡春復  
秋汴河東去到瓜州隋堤楊柳皆零落賸有關情燕子樓  
重陽後六日同申蓮浦買舟遊君山覽舊蹟晚載舟  
而歸迨抵岳陽樓下城已扃鑰矣因宿舟中

秋老天高湖不波木蘭雙槳搖漁歌岳陽樓中已沉醉擎



舟進訪君山阿軒轅張樂洞庭野二妃又葬君山下鼎湖  
龍髯不可攀九疑連綿淚空灑前山後山斑竹多欲薦瓊  
茅不盈把湖中孤嶼青濛濛湖波蕩瀟瀟山根空鼉梁貝闕  
掣龍女天吳擊鼓馮夷宮夕陽西下幾萬里羲皇知在重  
湖中元氣頽洞收不得只疑上與天河通中秋已過月又  
圓主人安得無酒錢風光若此不成醉縱使無愁亦可憐  
蚪箭沉沉漏聲咽叵羅進酒酒鱗凸舟中枕藉半醉醒爲  
報嚴城已扃鑰

孫蘅皋以褚筠心先生弄雲琴歌屬和次韻同作

絲桐落手琴心冷洗淨淫哇羣不逞曲成吹作步虛聲一  
覺游仙夢初醒蘅皋孫子吾同門爨餘焦尾昏風塵拂拭

沅湘耆舊集

卷一百九

六

零亂聲價起知是吾師目所存廣場已疊戴馮席曲宴亦  
倒彭宣樽十五年來一回首瀟湘之水嶽麓雲鐵山前輩  
官西蜀血碧心丹事顛覆弄雲絃斷王父琴變徵羽聲翻  
幾曲古臺寺貯三百年足音何處來空谷滄浪亭上覲仙  
蹤養真軒內畱遺躅雲孫大巖丙午秋潭州好是仙槎畱  
馬尾火頭天漢客藏雲正待仙人收囊琴對客親前席反  
復凡言三太息江南風景欲愁人况聽清商淚沾臆詩品  
難論初盛中吟詩分作清秋蟲瘦語恒將托壘曰碎事有  
詩徵鞠通斐然大筆百斛鼎郵筒飛度吳中鴻手披腕脫  
口流沫早涼時節春融融凡仙非幻人爭說幾輩相逢頭  
并白可知天上謫仙人至竟金相和玉質長洲綿邈茂苑



幽短薄荒祠連虎邱縹渺峯頭鳳凰叫那知不有雲耕遊  
攜琴彈向太湖水成連海上應相酬懷仙神物當化鯉緘  
詩遠寄浮江投

酬楊蓀圃見贈原韻

箕口高張偃牛斗天遣沉淪投甕牖無才可忌人相輕此  
坐輕人定非偶京華巨公人中豪凌轢漢魏追風騷澗花  
溪毛玩綠淨何年許盼揚州濤平生衣食困奔走錦囊一  
字曾何有坐令七尺昂藏身破盡精神營入口從君夢出  
大槐宮瞥眼仙人東海東石屏御路泰山頂下指齊州九  
點空資陰小縣人爭哂蠅聲時時出竅蚓就中蘅皋真異  
人外論頗聞怯孫臏早歲裁詩濟水邊瓊函遠寄來湘川

沅湘香舊集

卷一百九

七

十五年來一迴首文章何處收青錢山城里耳喧箏笛詩  
成算有楊無敵茅齋新製烏絲闌研山鈔就芭蕉滴

秀口

澤國淹晨夕茫茫發旅愁湘雲迷北望湖水漲南流市有  
魚蝦集人爲雁鷺謀嗟予困行役聊復對滄洲

要識沉沙意懷王入武關臣惟將死報君已不生還豎子  
張儀計妖姬鄭袖鬢感恩容起草風起淚潛濺

明月夜郎西東歸下武溪樂章調玉笛幽憤動金雞算有  
行騎鹿渾忘醉似泥猶憐瘦工部李杜舊名齊

去國山河在移家鬢髮蒼舊君思獻賦好友憶登牀詎欲  
依崔煥聊爲避段璋天將作流寓文采動三湘



自改陽山謫江陵此泝江長歌寧有幾明月定無雙河北  
能驅馬潮陽再下瀧詩人信餘事百斛漫爲扛

南國李賓之流傳樂府詞保全周士類開濟在明時不耐  
求題筆那堪或獻詩草深迷賜第懷麓有幽思

文斤山

邵陵分郡日仙令在高平縣古浮雲合城荒嫩草生挂冠  
餘俗美解組得身輕嵌空雙石洞長對暮山橫

石榻臥晴煙嶙峋依碧天竹林香自遠松蓋影初圓璧可  
移陶侃刀堪贈呂虔何如守丹鼎跌坐藥鑪邊

參同誰可契牝牡石猶雷華表遙歸鶴瀛洲遠泛鷗蒼苔  
迷古蹟紅葉送閒愁有客窺方罽還家已白頭

沅湘耆舊集

卷一百九

八

辟穀歸田計雙鳧踏夕陽巖花分冷豔山雨逗輕涼紫氣  
逢關喜圮橋遇子房盧仙同此意先占白雲鄉

汴梁

征旆悠悠繞汴宮大梁佳氣鬱葱葱河流北走來天外山  
勢南纏接土中艮嶽荒涼花石散繁臺零落管絃空憲王  
樂府今多少昨夜雙鬟唱未工

過常山

金風天半弄新晴畫角聲喧客遠行河北高原連趙魏山  
西秋氣接幽并日邊斷岸滹沱水煙外危樓正定城小艇  
亂流回眺處長隄疎柳暮雲橫

磁州道中和周素芳



客裏思家及早秋南中風土見磁州綠楊十里人初散紅  
稻千畦水亂流趙國故宮衰草合鄴中荒冢暮雲浮年來  
舊蹟都消歇輸與山人作釣遊

邢台

山河割據有遺宮襄國門前逐曉風本紀臥聽真妙悟都  
門長嘯是英雄輕煙北散邢台遠遲日東升大陸空霸業  
似沙飛欲盡至今猶想氣如虹

水仙花

霜前霜後欲開難山意衝寒動水官視靨偶容窺玉貌洗  
妝知是重黃冠漢臯一去人何在洛浦重來夢已殘貝闕  
龍宮不相見凌波爲憶步珊珊

沅湘耆舊集

卷一百九

九

酌酒與楊三叔玉

襖被相攜出楚中他鄉聊喜一樽同佳人何處彈瑤瑟美  
酒誰家注碧筒萬里晴雲迷曉月一天清露濕春風鍾情  
我輩成孤負夢裏黃梁色是空

渡黃河和周素芳

露宿平沙喚奈何停車泥淖任蹉跎管寧悔過知誰並唐  
介裁詩漫自多兩岸燈微迷廣武一帆風正渡黃河天公  
老眼憐吾輩又許長途作短歌

和瓊珮晚眺之作

野外東風濺石泉板橋流水一溪煙春光冉冉飛鶯地暮  
影亭亭放鶴天混世久閒腰下劍傾家不少杖頭錢多情



賴有驚人句書閣誰能草太玄

夏晚洲自衡陽以簡林半霞檢討詩見寄依韻和之  
短檠秋夜炮香燈遠道書來得未曾身世正須千日酒官  
衙何用一條冰長源芋熟探衡嶽元亮桃紅入武陵道氣  
濃時丹汞就地行仙籍許新增

名成何處問飛騰未絕風流躡展能水泛湘煙低渌口雲  
開嶽日上朱陵黃楊厄閭休全信喜鵲聲高莫浪憑但使  
姓名畱著述不將金爵憶觚稜

夢中得頷聯枕上足成一律

地鑪溫火呼小奚膽瓶紅梅開已齊晨露湛湛欲濕月書  
窗喔喔猶啼雞琴徽映日日始旦劍鐔倚天天爲低春光  
沅湘耆舊集卷一百九

沅湘耆舊集

卷一百九

十

澹沱出門去渥洼千里飛霜蹏

九日次家秋陽韻

不負登高九日期前身應是陸天隨風生弔古桓侯廟日  
淡傳疑召伯祠曲港回舟魚躍處橫塘打槩鷺飛時忘機  
直到囊羞澀遮莫籬東颺酒旗

和鄧南坡遊雙清亭

冶春時節換芳辰放眼亭臬物候新且對湖湘醪醲酒一  
拋京洛軟紅塵楊歌曲水指金鏡花糝平蕪點繡茵便  
長吟消永晝敢言餘事作詩人

砥柱危巖倚郭東青苔一徑馬纓通侵人水氣生亭上畱  
客鶯聲落檻中卽事興移催響鼓詠懷詩就走郵筒相將



爲問江山主丁卯橋應幾輩同

寶珠山茶

寶珠何處買天工幻作冰容壓絳權只好玉人欺白雪誰  
將靜女嫁東風綺寮春動朝煙滿綃帳寒輕曉露融懊惱  
東施憐姊妹豔妝分出一枝紅

九日瓊珮見過

採得黃花憶舊遊去年曾共醉湘州此來重有登高興相  
對翻爲萬古愁遠塞斷鴻催社日寒波落木作深秋入錢  
何處逢名士霜氣稜稜臥阮修

時瓊珮方喪偶

和余存吾太史雙清亭讌集元韻

懶情眞成酒轍鱗曾依寶筏渡迷津歸田自合畱遺老泛

沅湘耆舊集

卷一百九

十一

宅何妨署散人屐冒女蘿山鬼嘯篙牽文藻水神曠江鄉  
身世天仙骨且帶笈簪把釣綸

水閣風多暑氣微白鷗浩蕩亦忘機盃連柏葉經年合絮

落楊枝盡日飛詩債每愁胥長鬧談鋒誰解小郎圍百壺

幾度陪清燕拌醉江亭緩緩歸

先生與存吾太史友善此題凡四疊其曠字韻云兩

際負心鳩婦怨花陰偷眼伯勞曠渡口簾舟嬌鳥散潭心擊楫老龍曠銷愁酒滿腸猶熱懷古詩成目盡曠語俱佳妙

長沙懷古次麓樵韻

南中清景說長沙澤國來遊紀歲華吳芮非劉容僭號馬  
殷爲楚亦傳家南雲暮合濤聲遠北郭秋深樹影斜往事  
未應生悵望心期不負有黃花



危闌千尺倚高城勝景蒼茫極目生萬古蛟龍浮水氣二  
妃環珮冷秋聲溟溟殘照帆橋出歷歷寒空島嶼平獨念  
左徒哀未絕欲從何處薦香蘅

東枕巴邛俯漢川望中縹渺見湘煙黃陵花落湖邊月青  
草波平鏡裏天唐宋題名人幾在荆吳遺憾事空傳君山  
一抹青如畫不待登臨始慨然

吳蜀中分勢倒迴振衣憑眺幾徘徊空傳靈蹕浮湘水不  
見雄風上楚臺帆影斜侵歸雁迴笛聲吹裂老龍哀煙波  
萬丈頻迴首詩興蒼涼不易裁

酬家秋陽張蕉園別駕過訪有作

沅湘耆舊集

卷一百九

七

小隱何當作反招還從壯歲賦鷓鴣只應旅夢隨秋散安  
得清愁對酒銷雁候天風書不遠槎頭海汐路非遙飛鳴  
會有沖霄日一任空林百鳥嘲

少風波處便爲家擬買漁舟玩歲華淨綠煙空澄止水小  
紅雲破射餘霞河橋楊柳年年樹江店芙蓉處處花屠釣  
由來藏大器况傳書畫作生涯

秋日登雙清亭

誰攜手上秋山

中年憔悴是離羣郭北來看水上雲衝雨遊人能幾輩天  
教分付與斜曛



一拈佳句一同新筆落慚非風雅親猶有少年餘狡獪不堪雙鬢已如銀  
老去心情淡似煙登山臨水卽欣然雙清亭上初來日彈指於今四十年

送樸園南歸

廣陵門外萬垂楊瘦馬停鞭醉幾場塊壘有時消不得天涯今是五端陽

舟中雜題二首

初日曛曛野渡前湘流曲曲繞湘煙東風肯爲歸帆起莫道離家只半年

潦倒風塵四十秋只今解道不須愁年來如許京華夢羸沅湘耆舊集卷一百九

得還家是黑頭

慶豐閣

東便門前上小舟早涼天氣入初秋便將二閘東流水一洗胃中萬斛愁

蘭若遙看隔水紅幾人游屐落城東軟塵半載欺僖父好向金仙問坐功

溪頭水暖鴨兒肥笞笞牽風挂釣磯畫我荷鋤來渡水小身消得薜蘿衣

卓午停舟解纜牽西山落手翠連天金魚笑爲當壚解周素芳初得建水時肯使空囊溼酒錢

題夏晚洲煙江一葉圖



艇子衝煙面面風六更清露濕空濛米家書畫船來往夜  
夜滄江月貫虹

東風日日長蘭汀燕子紅襟盡作雙衆緣有帷容小泊恰  
分新翠染篷窗

板橋香店短色籬澹沱春光颺酒旗柳下維舟一惆悵年  
年三月雨絲絲

溶溶春漲鱖魚肥桂楫尋春白衿衣料理馬曹知有暇便  
應來守釣魚磯

蓬萊何處覓應璩小西山中許校書從此扁舟載遊屐不  
將身世落樵漁

記泛吳舫入太湖江鄉逸興滿菰蒲遠山一角春波外可  
沉相耆舊集卷一百九

有黃王合作圖

十四

朱仙鎮懷岳武穆

和議真羞社稷臣文章兩府漫垂紳藁街肯肆王欽若臣  
妾能包尺五巾

宗爺已去岳爺來覆轍汪黃是禍胎一沐二枕終到海北  
人南去不勝哀

蘭亭摹搨費摩挲大內光陰莫空過治獄幾曾書玉押紹  
興宸翰有誰多

七首愁將膝褲親得加王號國封申鐵鎚莫浪推秦檜曾  
是臨安一德人

張韓劉岳亦齊名醉擁張穰亦有情不道金縢輸歲幣背



鬼猶自隸精兵

銀瓶烈女殉親亡  
兒子雲雷共慘傷  
至竟媿鄰還有錄  
一飛無父墓田荒

趙宋山河委暮煙  
朱仙鎮上草連天  
當年不醉黃龍府  
老死西湖亦可憐

宋臣遺像肅清高  
肄雅投壺氣自豪  
舊憾可能隨逝水  
神絃賽罷雨蕭蕭

無題

天風飛下步虛聲  
幾輩登仙到地行  
調笑許纏容注籍  
欺人終是許飛瓊

屋梁時有素雲封  
薄怒初持斂玉容  
癡夢生憎誇姹嬾  
幾沅湘耆舊集

卷一百九

五

曾真箇到巫峯

錦機那用石爲支  
叵耐君平黠小兒  
河鼓天桴自砰礚  
詎人七夕有佳期

藍橋剛理合歡牀  
辟女俄傳肘後方  
玉杵本非天上物  
笑將甌水領裴航



湘陰左宗植仲基校訂

周半帆錫溥七十三

錫溥號麓樵一號半帆湘陰人乾隆乙未進士官

甘肅寧朔縣一縣有善政嘗奉檄至鄂爾多斯阿

蘭鄯國王諸一窮邊異俗都入歌詠得矢詩告哀

之旨以憂歸一復出尤善古文有安愚齋詩文集

沒於水遂失一本秦小峴司寇瀛按察湖南時嘗

求其殘稿序一其論寧夏漢唐二渠水利書尤可

傳小峴序云耳半帆周君名久矣歲辛酉司臬湖南始得而見之咨政之餘論及文章之事

沅湘耆舊集卷第一

一

獨覺其契於人者深使我欲然益知其不足也又云半帆文體高雅開闔動盪驅濤湧雲而議論一歸於正大其詩思後拔欣感促舒中挑外引而詞旨彌見其情娛所有雖約皆世之可寶者也

擬古

蘭露被漢皋豔此春陽女纖手摘明珠羅袂從風舉芳華  
易惆悵歧路懷交甫微詞請我佩將以申縞紵感茲高義  
陳爲君久延佇精心託微物不在陳歌舞彼美日以遠朝  
華能幾許願言崇明德百年以相與

荊州送孫石溪南歸

廿載聲相和有如輪著輶爾來走天涯兀兀困塵鞅浮萍  
不自整漫漶吾安放昨歲君北行消息傳彷彿倉皇失把  
袂尺步杳尋丈日斷邊鴻飛傳翼不能兩冬杪得書問欣



幸逾束紉上言久風塵  
趙餘慨慷下言隨幕僚約我同  
蓮幌獻歲採湘籬經旬  
巴嶼相逢各迢然掬喜到眉顙  
袴褶君信佳芒屨我差  
強沉牛賽江深請佩睇漢廣臨風  
感橫槩覽古嗟稅杖竭水荆郢暮瞥見霜雪爽數起循刀  
環具知理烏榜此去慕歸休發機真勇往巡簷鵲噪聲候  
門人語響洲白可詠茅山青聊拾橡坐膝置文度畫眉類  
張敞稻香雪翻匙酒熟雲滃盎耐可供著書屋梁時一仰  
喟余叵故歡瘖馬立殘仗思家既迢迢念子亦養養底須  
三語掾要乞五湖長阮土隣東平杜亭卜西灑千奴緡可  
算二仲駕相在綠傳繼時韞紅拋醉中網樹木須十年蠟  
屐能幾綱對此終茫茫世山慰遐想

沅湘耆舊集

卷第一百十

二

示家人

去歲東南乾十室九未穫平生百本書不值一藜藿踉蹌  
出門去輒作數日惡積食兩躡車返哺亮已薄稍喜今年  
來元氣起羸弱歸與埽門徑如水得返壑親老餘辛匝兒  
曹弄餅飴昨宵醪頭雨融液如酥酪安排話團圓莫令感  
飄洩冬鼎爾能供春鴻我可臞未須萬錢廚但要一餉樂  
行當出餘裝待明理蠶箔示君應大笑複禪儻可著

三弟兩蒼亡八年矣承鄢方亭五丈許爲立傳賦詩  
得二百五十字以道意

少時鴻雁行鼎鼎一家慶持將寸草暉植此嘉卉并三弟  
我叔慈在座珠玉映伯仁非鳳德不待投蠟競憶昔麓山



遊屬有縞紵贈雞壇盟長衛駒齒班後鄭君時遙語我法  
護最清令詩憐走馬成色鑿苦李淨方將騰上速豈意摧  
折橫終軍纜弱冠衛玠早羸病念我空餘生不得代子敬  
從茲幾春夏萬事輕墮甌蕭條狐狸穴淒絕風雨聽芸函  
時一啟跡若手新瑩蠻箋十樣殘古錦一囊贖長恐就埋  
沒編刻心未竟惟君素鍾情眼底閱衰盛尺波悵東謝銅  
山臧西應昨來屢綢繆感嘆淚交迸史稱閭巷士驥尾託  
後乘成毀古有數風流爾何罄願因君集中磊落見名姓  
無忘青簡惠慰此北風勁膏燈照泉下我弟亦蘇醒因歌  
代短書激楚不成詠

萱草

沅湘耆舊集

卷第一百十

三

朝樹忘憂草夕佩不愁木愁亦不可銷憂亦不可卻何況  
百年間渾沌自相鑿一身爲漏卮尾間洩溝壑紛紛爐鼎  
間何從候朱雀古之列仙儒內外皆鍵鑰皆滅可休生養  
命有中藥

有以山谿春種圖索題上無款識玩之則吾江南農

田中小景也感而書此

春田刷山腴引腴旁有溪平疇一鍾水下浸五斗泥泥深  
草根腐水滿新秧齊農人拖翠雲萬朵分畦萍葉濼濼  
浮春鋤拍拍嘒三載朔方吏農候與此睽凍甲有時圻不  
稱鋪首攜使君繁華眼長向春風睇覩土愧無術撫景誰

能題



我本山中癯有田介陘岨農言雖未習南畝足嘗踐土膏  
深起鑿泉脈細通筭耕種一已畢終年飽精膳自從通籍  
後心迹兩違遠旣蒙竊祿羞翻令本計舛搔首坐無悰晝  
本此焉展空堂微雨過老夢晝扉偃如聞二三友訊我歸  
田晚我今猶未歸逡巡待考滿呼兒理行牒得請莫辭懶

寧夏探風古體八首

并引

鄙人令寧朔五載矣簿領餘閒與斯民相見間勞獎誨  
爲之宣上德意慰其疾苦而懲其末流亦吏職宜爾也  
竊念朔治郡城故揭郡名於篇著一方風土之會云

沙灘田

我來更吏考治賦無寸長常恐民力絀勸課違其方節

沅湘耆舊集

卷第一百十

四

原上村父老相迎將舉策謂父老念爾愚不明不見古王  
制三耕備一荒李悝漢趙過農政斯精詳節宣事在人有  
腹爾自量怪底歲比稔猶然無蓋藏而反累守宰不得充  
官倉父老拜且語語多情慨慷自言農家子鋤鋤日日忙  
此地多硝礮春潮凝若霜腐根不出土嘉穀無由芳又有  
河壩地風沙卷雷碾往往萬金產廢爲狐鹿場黃流况屢  
徙拆隴如排牆君看數種田猶科見在糧其間可稼處馬  
體中毫芒孤莖出蕪穢赤立凍不僵沙灘之所赦隄堰之  
所鄣耘耔之所壅豚酒之所釀上熟畝盈石中熟六斗強  
最下升與豆子本安得當腰鎌事未已吏牒紛在堂松花  
壓朱紐標識森成行色色著我名云我有田莊無田自備



力有田苦膏肓典質納官縉縉盡微不償愧荷使君語生  
事終茫茫余聞搔首歎茲實古塞疆薦收此乘旺金饑木  
不穰百世變衰落五種無精良安忍更鞭箠乘危扼其吭  
喟彼好事者乃云魚米鄉斯言孰傳播重爲吾民傷

### 稂草稅

邊土亦何瘠罷民心所矜坐視中澤鴻嗷嗷待西成西成  
無常熟國賦有定名夏麥秋穀粟二豆莞與青四色分兩  
稅畝入斗二升析爲子母耗芻束相因乘慶租斗加六制  
課尤不經人牛輓運勞每兼百里程其餘減則地五稔纔  
一登差徭復叢集與田爲重輕計彼平歲獲奚翅大半征  
況又科所無殘喘何能勝爾絲吏有職按簿事敲榜米鹽

### 沅湘耆舊集

#### 卷第一百十

五

綜碎密瓜蔓紛鈎縈不悉入者寡惡知取者盈我聞前明  
日置屯此邊庭沿河九衛所一一習戰耕軍三屯戶七二  
丁資一兵取足侍芻糧歲收算其贏地利旣殫盡百役資  
繁興軍操著空籍賦額懸逃丁撤派事紛挐包賠議沸騰  
善哉朱笈疏一字一撫膺自非身木石安得頑無情我  
朝覃天澤深仁被邊氓蠲賑若山積休養致太平小臣來  
吏此纔閱五歲星前春豁逋欠今歲仍減徵巍巍覆載恩  
守宰親奉行時聞諸父老感泣以縱橫

### 渠工稅

黃河富寧夏

諺云天下黃河富寧夏

水利天下無封畛錯如雲利盡

十萬區我

朝繼唐漢增置成四渠口以引其源梢以達



其餘毋以防其逸聞以揚其緒正聞置橋閣橫貫爲中樞  
隄蟻有時穴河沙多積淤春工歲歲鳩口算年年輸龍見  
始戒事徵之司馬符十畝三束橐葦圍紅柳株折色又一  
籍稅皆準於夫期會清明節土膏始發舒筮筴集蒼赤邪  
許窮朝晡程工一月畢十空而九瘠巡工爾何人官吏清  
且都我亦同斯役屏營以歛歔念此數年來備鍾萬指俱  
千緡供一擲豈復論錙銖崩潦激倉卒兒婦仍嗁呼積薪  
嗟不屬含梗何時紓所以供役者但有瘠與癰日或不再  
食衣結無完襦其間頗逃亡飢寒非彼辜古人重地利溝  
洫有成書利什害亦什更迭爲乘除借問兩黃鵠反乎與  
覆乎不見艾山北故道今爲墟

沅湘耆舊集

卷第一百十

六

堡渠長

周禮置六鄉治具何其緡州閭族比鄰一一備官屬漢時  
鄉亭職三老最尊宿其他斗食員頗亦資教督自從保甲  
行無復在齒錄徒有負弩勞而無詹石祿官旣賤其人人  
亦恥其役湖方屯戍地四塞兼水陸一堡置一長渠長爲  
之副厥初在得人明信兼約束後來日流失抗敞寢爲俗  
額缺更承充者半貪黷堡政號殷繁渠工亦奏輦往往  
徵調時花名若星簇公庭持手教寄之爲耳目謂可制吏  
胥吏反緣爲壑一差蔓十家以次相魚肉卻署逃亡籍株  
梟試鞭朴豈知民脂膏狼籍飽其腹邊地本疲瘡  
恩此亭毒採新實廩困放舊起顛仆况又委任之歛散從  
聖



其出正使坐姦賊豈足償嗝哭更兼絲與粒國計關錢穀  
坐令百年間積逋不可復此輩相依倚善幻如轉軸頗能  
知短長不省顧榮辱木摩木則然水濟水則覆絲失絰者  
素弓離藥者曲微詞勿復陳比類在君觸莫待熏灌窮始  
勘狐鼠獄

賣兒詞

昔聞有林回投璧負嬰孩謂此天屬者千金何爲哉乃知  
至性恩不以患難乖顧惟蚩蚩輩自絕其根芟等茲毛裏  
愛覩以貧自媒不見買奴婢都向寧郡來小者齒方齟大  
者髮覆眉父母牽就市相望何纍纍借問若干值一緡三  
歲奇婢價小復異盈盈上頭時兒唬父不念兒去母不思  
沅湘耆舊集

卷第一百十

七

但云紇干雀從爾好處飛好處定何處此離卽長離鄉夢  
久應到生小魂淒迷別有市僧徒剽販轉東西兒身已無  
蒂兒命當屬誰人家養兒女三五成冠笄綢繆六親誼珍  
重百年期其歌有與樂其哭有與悲婚嫁而論財識者爲  
鄙夷矧乃棄其身有類貨豚豨啜羹與放麀試以仁理推  
億昨爲粥日有婦老且嫠自言身有子典鬻無子遺只今  
一身在微命懸如絲回頭賣兒錢撒手風雨馳溫飽能幾  
許不死仍苦飢未知再來否惇獨無人攜余旣感斯語已  
乃喻遣之不聞烏負歷銜將甘草貽不聞蚤母慈仍有反  
哺兒微物心尙爾爾當轉自啞徒令植山曲終古爲酸嘶

兩番部



漢皇始開置徙民實新秦遂收四郡地賴此爲本根當時  
走白羊依山繕城垣雖云阻一面三面垂在邊號爲隔羌  
胡羌胡滋蔓延西北回磽塿種族蝗生蝥自周無上策何  
論漢以還棄之弱三輔守之孤外援破完補一敝其勢無  
瓦全緬維前明日遺事可悲煎套地何么磨穴此井底天  
東馳逼環慶西突連罕耳此間大河險蹂躪爲通津并峰  
起肘腋掩兔不及奔時聞出賀蘭殺人潛草間已復入村  
保搜牢搜牢從漢書音義作去聲讀無一存爾時疆場吏豈無汗馬勳  
理國如理絲哀哉值其焚我朝大一統封域極廣輪自  
克噶爾丹已滅河朔屯蒙鄂謂蒙古鄂爾多斯兩番部內屬爲世  
臣轉借彼死力爲我除荆榛迄今百餘歲膜拜奉

沅湘耆舊集

卷第一百十

八

一尊平靈數口道明制表闡明

詔許通互市弛禁薄

其縉王公大貝勒

封爵被

國恩主之藩部郎玉節

乘輜軒賞功馭有罪動息必上聞治以中國法人以中國  
人小臣備職守目睹想所因自古聖人世分土無分民有  
如馭駢馬銜策令其馴又如哺雛鷄七子養則均馴由

天子義均由

天子仁美哉此道行萬古無邊塵

栽絨毯

蜀錦濯始成吳蠶浴還稚何如西鄙人畜牧爲耕織側聞  
古幽原裘褐皆有事聖人盡物性因土布其利斂皮始周  
官供毳較精細大旅設氊案時用贊殷祭然猶令考工淫  
巧防其繼漢氏定西域方物入圖記紫綴紅氍毹毼毹百



種屬至今資服玩寧人便體氣寧夏有栽絨毯中最珍異  
吾今稽其法乃古氍毹製工欲操奇贏增妍出新意經以  
粟脆旃緯之木棉縫或又朱其粗杭產乃最貴屈蟠龍鳳  
文花樣四時媚購者動千緡巧宦與豪隸日索日不供尺  
幅萬指萃厥用在何許不中衣與被但云圍壑勝主人此  
高會隱囊帶綺圍重褥薦珠翠別有大地衣弓笏尙規制  
粉裙亘若雲輦重不易致土木被衣繡服妖從此熾不然  
則人疴心其有惑疾五載窮塞垣民瘼多於蠅而身此悠  
悠頗得衣租稅底將有限供趁此無窮費寄謝三數公無  
爲棄菅蒯

小蕩子

沅湘耆舊集

卷第一百十

九

近代有歌兒其名曰蕩子翻新出色目非優亦非妓不知  
夫何時便串作嚆矢郡中產尤多挾技走都市公餘集賓  
僚百戲盛豪侈當筵召之來媵娟齊稚齒巧習內家妝垂  
髻釵鳳紫偏諸小紺袖纏臂金約指翬餽置正中步搖行  
且止老郎抱琵琶對客據揉几玉撥風中挑腕下何奔駛  
維時瓊席間橫斜不盈咫嬌喉初引聲延鷺爭注視三聲  
翻未畢擊節爲驚起上客親點籌斜行白團紙曲終索  
頭四座紛填委更鼓夜未闌主賓情未已我本非解人隨  
衆相諾唯擬將紅豆記漫以香奩比豈知聽三終嘔噦逼  
心髓邊風故清雄立教須正始胡不唱伊涼澆潑畱犁七  
胡不唱隴頭梅花驛邊使皇琴一嗑然古調嗟已矣



夷陵覽古沂黃牛峽口迴船作歌

蜀棧峨峨不到天大江爲戶山爲鍵砰訇下峽數百里勢  
與元氣爭吐吞夷陵古戍鎖鈕壯九龍酣戰開藩垣循崖  
遣載行艤子要駕赤鯉驂玄龍邈迤上黃牛三朝三暮牛  
依然山之縱橫婉嬾不可以意度上有神鬼騰踔空明間  
離堆鑿後無巨手至今此地多哀猿昔者陸鎮軍云是吳  
西門步闡故營偃殘月想見鳳皇天聖年阿童小子真戲  
劇鷓首聚怪驚夔巖三山徑造節迎刃坐令精鐵一炬隨  
飛鉛陋哉建平守抗疏增守屯武安事往同一呬不見野  
燒畱秦痕李流孟昶競牙爪犄角只爲賢者先我記昭邱  
來賽江訊筵篔是時風雪暗如海符簞掀簸無穩眠今來

沅湘耆舊集

卷第一百十

十

慣見頗覺心眼快安得劃水徑渡如飛仙歐陽南遷一夢  
到長慶舊碣三人鑄興酣振腕喬木杪星月下瀨烏尾懸  
水村山驛白浩浩兩膝高踞風輪旋呼童取具軟腳酒試  
將芥蒂爲洗滌下簾支枕清睡足朝曦已破荆門煙

發襄陽

銅鞮坊門夜不扃籌車銜尾鏘風鈴市兒自勸宜城醪客  
心先發桃林亭桃林飛花著楊柳柳老綿薄俱飄零飄零  
不繫紫遊絡盪爲宛轉波中萍九衢塵高我行晏古錦一  
束隨僮丁纜絲解風枯弩疾藻劍刺水蛟涎腥劇憐峴首  
不忍別懸崖綠浸玻璃屏漢皋一曲展幽盼明珠三五何  
娉婷微波未託淚盈把坐令局促啞江靈臨風回首浩三



喚吾以二月揚帆船冰澌初解河腹凍草色記泝裙腰青  
睢漳南注見鎖紐袞斜西望通渭涇長筴牽挽緣斷鬢雲  
合不辨來何經卻從去後想遊歷夢迴山水餘清洽興酣  
起捉如意舞百年有若物寄瓶夕陽天外荆口成指點行  
色雙鴉翎

均州望紫霄峯作

仙宮霧雨春冥冥電影欲掣雷車轟真武真人玉蕤纓空  
中丹劍鏗有聲手縮神圖太乙經攝御百怪祛三彭空山  
枸杞夜吠鳴不但河車之紫英我來均口眺崢嶸三十六  
巖青繞城望不能至心嘆驚小時學道已粗成偶然積夢  
通黃庭羣官召草新宮銘綺語未盡千劫更忽忽一墮隨  
沈湘者舊集

卷第一百十一

十一

飛星試將尺宅理榛荆伐毛一洗凡骨腥問神何由息我  
歟舉酒一酌青山青

題戴尉荷露烹茶圖

先生老作淶江尉有如東野居溧陽官曹但飲一杯水手  
版拄頰凌青蒼濯枝雨過天氣涼卻辦布襪隨奚囊是時  
綠荷大如掌波紋澱灩瑩方塘科頭箕踞蹋澗石花氣似  
欲侵衣裳呼童瀉露供茗事玉椀一勺琉璃光興酣圖畫  
煩好手點綴尺素如琳琅吾聞昔人把金鏡品茶隲水皆  
精良竟陵著書亦癡絕強將泉眼分低昂百年風物劇漏  
箭誰能芒屨谷底尋康王曇濟道人選佛場八公仙體凝  
清霜偶持餉客共驚詫此味豈有人間藏覽君斯圖毋乃



是坐覺齒頰流餘香我生潦倒百無用五千文字空堆牀  
邇來微吟語苦澀猝然有得心已忘下簾支枕自嘆息安  
得灌頂如瓊漿徑須從君取一瓊蕭齋臥聽溪風長

寄贈鄆方亭六十

我昔杖策麓山阿蒼煙萬仞凌嵯峨皇娥拊瑟山鬼嘯輕  
砌下翦瀟湘波雞壇落落才者七繡螭陷陣如鶴鷺孔融  
過二公始滿正平幼少肩相摩當年意氣百不磨願得相  
依同薦蘿頽陽西下水東逝杳如珠散風中荷平生礪礪  
萬事拙櫺具作佩隨蹇羸吳關楚水奮蹴蹋只似拙燕無  
常窠索米未免侏儒笑濫竽終遣侯門訶羨公早歲謝時  
譽樹瓠之鄉乃無何淶陽山中槃礴羸但有斜徑通碾渦

沅湘耆舊集

卷第一百十

三

遺音閭淡追正始古篆詰屈摹光和誌銘斑駁體尤妙崇  
執圭邸陳疊轍異時縱觀已縮手况乃十載成蹉跎城南  
蓬公傾雨蓋學道轉肥頭不僞語酣示我近時筆似去鄭  
濫聞雅歌華筵今開第六秩食肉健飯如廉頗從茲編刻  
到蒼艾發篋須汗數橐駝更聞結習了三昧跌坐自可愈  
百病入水光明定怖鴿六時梵樂教頻伽微生如塵墮曠  
劫頗藉妙義清心魔便寄此篇爲印可直恐一粒量恒河  
明春乘漲相問訊試將偈語參東坡

蓬草篇

六月上浣余自蘭州循中衛回寧適接府檄委令勘視  
香山雹災山在衛城南八十里而至災所幾百里程跋



涉大嶺薄暮始至人馬飢罷出錢易粟芻不得訪之居  
民則答云山中故食蓬草也持示余有沙蓬水蓬綿蓬  
三種食之之法入水一沸漉出之別入水熟以爲羹充  
日夕饗餐之具多則乾以禦冬余乃知邊塞間窮民竟  
有啖草以爲生者命烹以進則腥澀幾不能下咽而山  
民婦子終年食此可嘆也按蓬卽蒿類見於毛詩及爾  
雅傳記諸書中三蓬卽三稜蒿也蒿類如菽萋邪蒿味  
甘美而氣香者可摘以供蔬然非常食又如博物志中  
所載云一種蓬草子作飯無異秬米儉歲可接糧而香  
美今山民所食之蓬草皆取根葉茹之未聞有子如秬  
米者也則與博物志所記美惡迥異又今寧郡近河詢  
沅湘耆舊集

卷第一百十

七

之諸堡無此草名稱志亦不載或當年地利猶厚山中  
人民未盡食此抑其地僻遠非採風所及耶余因勘災  
所至目擊斯異以爲雨雹天之常沴而茹草人之奇厄  
默焉迴車感愴而咏之名曰蓬草篇用補風土之缺并  
以告其縣令胡君息齋俾加振焉亦無可如何之極思  
也

金城歸來寒始退凌晨飛騎至中衛衛東半壁繞邊牆香  
山卻出邊牆背炎風五月電如雷捧檄行勘香山災路窮  
巖斷百里許始見屋角烘煙煤居民迎謁舞相屬我僕已  
痛車卸鞦呼令喚米充一餐山中食草不食粟夜深月黑  
人奔波太息柰此官供何口道草名手摩抄逸巡余側那



忍訶一種頭垂如羽葆名曰沙蓬出沙杪一種微窪谷下  
苗厥名水蓬類萋蒿沙衝水沃蓬生少水激沙穿蓬見高  
別有綿蓬葉瓜碧入夏軟現兜羅色青裹小婦淪殘冰三  
種齊烹待官擇土氣苦腥味苦澀舌本閒強嚼不得推案  
置之長太息問民啖此經幾秋豈無五種田可擾民言寧  
夏河爲塞此山巉巖懸河外禹時棄地秦時壕偶有人民  
雜魑魅枯暑戰霜陰氣涸重霾軋露陽施閉舍南老翁面  
凍黎知春不知楊柳梯病思清井澆肺渴雪盡卻飲沙中  
泥先時父祖營耕壟萬畝劬山山脈動短苗初茁冰花開  
又報沙蟲大如蛹官籽委棄如土苴子孫啖草爲生涯草  
少人多日一啜飢腸宛轉鳴纜車昨尋薦地西山麓牧放

沅湘耆舊集

卷第一百十

西

牛羊盼年熟胃可充食皮可衣贏得餘資作稔粥電災警  
週旋成空牧場死骨撐青紅老鴉惡鴟飽狼藉五更往往  
號腥風東家西家淚沾灑回看蓬草嗟獨在謝天再拜乞  
天慈但願歲蕤得長採我聞此語感且吁大哉天地何事  
無記我南中歲無恙慮困遮迥如屏障市橋豚酒滿眼酤  
老饕未饜猶惆悵自從作吏來邊關邊黎照眼飢羸癡年  
年澆渠溉河堡渠河不到成河灘巡梢放閘訖無暇赤手  
那補地角剝每聞流亡夜輾轉忍竭膏血營炮燔豈知香  
山近咫尺性命乃有懸草菅人生九土共覆載不著食籍  
良可歎行告爾主發陳廩漏澤一線回天慳語闌攜藪疏  
所記容次蕭颼北風厲莫怪我詩多苦聲請官嘗此三蓬



承天寺西夏斷碑歌

藝祖首除藩鎮強虎符合豹中樞藏降王爭執仗下挺遺寇未下河西羌夏州保忠族內附繼遷假息招叛亡地不過漢一大郡折筮答之如犬羊誰遣輿瓢自剖裂坐使神器成皴黻獨能二百六十載鼎峙夷夏爲雄方先時鬼理慕華俗窄衣野戰歌慨慷文思起草學士院兀卒署字藩臣章九經旣頒科目建頗革鴟響摹鸞鳳春秋叛人例不舉左右記注無賢良至今草木盡頑憤遮迥但見黃雲長承天蘭若亦傾圮有石斑駁螭首僵圖書灰滅此獨在剝落不足揭硬黃向來郡志已訛闕何況經今數十霜攤書

沉湘耆舊集

卷第一百十

五

布席就讐校強測黜黜推偏旁一碑天祐十數字攝提歲月俱渺茫一碑天慶刊者半按記畧識羊與張銀棺舍利瘞幽閔令我循誦生感愴百年殺人若麋沸八功德水誰乞將然猶以此誇種落稱壽母后諛今皇南渡宋亦小朝耳山河牛角汴入杭獨畱一碑笑千古元祐黨籍書姦猖姓名刊列德星聚坐使僥慧生光芒如此斷跌何足惜覽古一嘯西風狂

李彩邦自都中歸得弟提甫手書并聞劉茶川凶訃

京國多年別西風一紙書弟兄流落後朋友死生餘暮色浮金井秋容澹玉除因君問消息愁絕幾沾裾

吾弟春前別經今聽暮笳五陵裘馬地貰酒向誰家二尺



孤檠短三千簡牘賒好從唐舉相富貴幾年華

村居納涼

雌霓挂新雨招涼滄海東瓜瓞浮夏綠樞實殷春紅漚古  
寒通月簾疏暑颺風角巾無一事揀字課兒童  
十畝青溪畔當時耕鑿深黃雲割秋色金井落商音藤角  
從支枕荷衣不滿襟乾坤容一嘯老著故山林

九日蘭州道中懷弟湜甫

行色兼秋晚離蹤踈路長河橋一樽酒關塞五重陽戍柳  
寒無葉歸鴻遠斷行且當逐黃菊採擷待餘糧  
漠漠大河陰危欄此一臨積風兼雪起關瘴入秋深疲馬  
星霜抹微官老病侵茱萸滿愁鬢嗟爾弟兄心

沅湘耆舊集卷第一百十

末

季冬至阿蘭鄴國王城南勘獄踰山涉磧往返盈旬  
日淒然有關塞之感焉以詩紀之

衝鼓破朝醒怱怱草檄行馬寒嘶遠道官久習邊情野闊  
河西部山通徼外城憑軒申漢約須遣勃谿平

西去循空磧隨行載襍衣人煙野蕭瑟戍火暮低微近塞  
山能走衝颺石慣飛癡酋驚問訊前尹到來稀

伏不常人煙絕少惟  
平羌鎮北置二戍所

託宿依山下凌晨到賀蘭邊風緣石起巖雪一天寒遠堡

飛鴉入重城立馬看清時不在險攬取桔槔殘

城如咫尺惟  
陰晦不見

赤木何年種霜花綴短條夕陽度鳥絕徑此通樵地



中原盡天橫大漠遙邊牆遺甃在溱溱說前朝赤木口在賀蘭山頂  
仄僅容車乃寧夏蒙古分界處  
明時有邊牆一道今遺迹尙存

白草無人境荒天一使車路盤蝸角迴迹踵兔迹餘野火  
千靈聚陰風萬壑噓迢迢區落外貴種問且渠過山皆大積路孤離

不可行陰風獵獵令人寒慄

國典徵瓊舊家私數牧回國以瓊毳供稅牛羊多者爲富室 席箕平旱海

檉策走春雷霧日腥相雜風沙穆不開牛羊將野色迸入

拂廬來地無村落日斜時稍見旃廬數具僮奴驅牛羊數羣置廬前後其人皆聚於廬中

茜席臨碣展旃廬入夜扃冰聲漸軟戶旃廬俗名軟屋亦曰軟戶 天影

卓高橋盧惟頂上一窗通天 漢月看成憶胡笳卧獨聽鄉心正愁絕

沙塞晚冥冥夜分殘月入窗忽驚沙併落天黑如漆

沅湘耆舊集卷第一百十 七

甌脫賢王地分藩比內臣山根橫睥睨星市接鈎陳羌女

爲支色胡絃邏迤塵開筵觴捫馬風雪坐生春時風雪頗大國主致

館招飲款接甚厚

行役歲將晚婆娑不暫閒傳符稽信宿斂板爲痾瘵旅夢

三邊外浮名一郭間戴星吾早發轅下幾人攀郭外商民雜處事涉

蒙古令其首酋傳質務在平情稽程蓋三日矣

山角晚雲收清笳起戍樓使星天外入關月漢時畱軟腳

樽堪把更番吏合休會須裁樂曲畫壁賭涼州

二月偕富治川部郎至鄂爾多斯游牧接獄途次偶

成四首

共有邊庭役遙憇蕩節巡君爲典屬國我亦小行人白日



黃蘆晚西風遠雁春前朝戎馬地曾此絕河津

關外望河壩河深北岸懸野昏雞鹿塞冰合鷓鴣泉戰地  
空尋壘洪荒不計年三山斜照入半壁是廊延

蝸角橫尸處匱酋負弩將笳聲緣礮迴鳥路蹋山長筆點  
春前凍冠峩微外霜還憑老重舌傳語法三章

帳寒銷不盡歸路已斜曛騎士雙鷗羽翼奚官萬馬羣邊春  
迴隴右關月極秦分老逐西都護橫城看暮雲

次韻孫五石溪見寄之官寧朔之作

邊邑卧無事清琴聊一揮秋高乘郭出春晚上河歸野色  
三城古軍書五道稀承流宣虎節不假折膠威

君問新秦部腥塵互晦明行廚供麩白官膾入菱青宛馬

沅湘耆舊集

卷第一百十

六

通蕃收旃裘拜漢庭故應逋客遠移檄草堂靈

之激浦作

邊沙吹面苦徽薰尙有楊花爲拂隄笛裏西風無鳥度舟  
中秋雨一猿啼天光入峽看疑甕石路穿雲覺有梯大酉

山前迴首處謝家詩草昔曾攜

送弟湜甫之均州次劉茶川韻

客蹤流落似萍花太息吾生豈有涯此去看雲還念爾可  
能見月不思家漢南柳色三眠盡均口西風一棹斜買取

宜春新醞好中宵津鼓破寒嗟

用前韻戲贈張小令

病起維摩嘆落花夢中珠箔渺天涯南來白袷愁孤館別



後新敗損內家雙槩波橫桃葉渡流蘇月暈玉鈎斜他時  
重理刀環約試聽檀槽有怨嗟

衙退口占二首

不向明時理釣竿三年影組寒雲端屯田古亦關軍實邊  
粟今猶仰縣官煙火幾家希舊井徵書五府急飛翰晚衙  
便覺西風厲遽忍滿庭霜露寒

一方民聽徹天高百褶魚鱗小兎毫敢罷催科矜撫字須  
知沙塞異神臯隄絲未起溝中瘠戶版猶攤額外逃刺史  
六條威望重呵余程督實倉曹

青銅峽大禹廟二律

青銅西岸柳依依禹廟中開石穴微自昔泥橈聞底績至  
沉湘耆舊集

卷第一百十

十九

今雲牖闕朝暉九邊魑魅趨金鼎五服山龍上袞衣正是  
渠工齊奮錡桃花春水萬夫祈

陵谷遷流不可論渠搜故道貢名存

寧夏郡卽禹時渠搜

明禋地有

巖廊古羅拜人瞻徹冕尊海色西偏分大漠河聲北折走  
中原吾生端委真堪念爭忍將身負國恩

登黃鶴樓

雲篆丹爐劫火沉尙餘樓閣此憑臨乾坤漭漭浮江漢城  
郭鼎鬩閭古今幾處有帆催曉發四山涼雨作秋深嗟余  
家住清湘浦只隔湖雲一片陰

黃鶴樓小飲至暮

青梅作弄晚鴻前碧玉枝輕手帶煙水闊荆吳供遠眺夜



寒星斗入高眠同渠一醉樽中海從此忘機地上仙且欲  
扣舷江北路風清月朗不論錢

赤壁夜泊

清得寒煙作晚炊渡頭官柳不勝垂賦詩橫槩非吾事對  
酒當歌要此時夜月江空飛鶴迴西風秋老片帆遲座中  
亦有吹簫客莫遣烏鳥感鬢絲

洞庭舟次

洞庭歸棹起神鴉稍喜湘山望有涯落木始波妨細雨片  
帆秋影帶孤霞蘆肥洲渚漁成市橘足鄉園酒易賒明聽  
北風人喚渡一灣清淺是長沙

舟中口號

沅湘耆舊集

卷第一百十

三

養鴨闌邊雨沈塵手持樽酒賽湖神江風下水須看客關  
月中宵始近人薄暑未拋團扇白輕寒初展袂衣新湘鬢  
十二雲旗迴輪與鞭鸞自在身

村夜

鄰里猶聞夜作聲月中人語幾人行披衣四野露初上彈  
指西風秋欲生院靜燐螢開闔影村深鷺鳴短長更垂垂  
南畝猶黃色眼見甌窶早晚成

予將以謁選入都訪鄢五丈方亭於淶陽山中晚因  
留宿敘別言懷值其誕辰并致稱願之詞云爾

塵旄附驥強飛鸞曾有嚴詩入杜編載酒重經安石渚幾  
時同買廣陵田友朋傷別中年事風雨前期一夜眠更值



弧南開令旦壽眉分喜到賓筵

射策談經術已疎十年隨牒達方居吾行會及鶯花好此  
去榮沾升斗餘元結一官真浪漫達夫身世本樵漁他時  
望氣君將隱少假從容著一書

發寧夏詠懷四首示諸子

積雨河關阻尺鱗鄉心誰似宦遊人已看邊馬嘶行色更  
有垂楊糝去塵莊舄病聲兼越楚田生情緒半君親 國  
恩未報家多難翹首天涯淚滿巾

衙鼓聲高羽檄催六年宦迹此遭迴一官首鼠成何事四  
野哀鴻損吏才治賦陽城餘慷慨哦詩元結愧招徠可憐  
兩部清笳曲卻向河橋送我回

沅湘耆舊集

卷第一百十

三

邊城春盡曉猶涼振觸歸心逐日忙匹馬去經秦塞遠峭  
帆從挂楚雲長胡威有絹充官物陸賈無金作客裝贏得  
隨行六男子

時惟五男  
一孫隨任

硤硤頭玉照琳琅

吾衰無復宦情濃版謁朝參意久慵便擬煙霞成痼疾肯  
將腰膂試龍鍾好官枉憶羊元保薄祿聊同邴曼容寄語  
家居老同叔

謂弟  
提甫

爲余先買蜀山筇

秋荷

日暮暝煙生古渡天清明月浩江波芙蓉老盡愁如許欲  
寄相思奈晚何

秋柳

細縷芳煙化作萍相看無復舊青青樽前誰唱屯田曲殘



月西風不忍聽

詠史

五利文成竟伏誅人間何處有蓬壺  
君王卻起蜚廉觀祠具紛紛用越巫

塞上

榆塞西風捲地鳴單于夜獵控弦聲  
軍中苣火如星列傳矢三更盡上城

梁楚功臣一劍除空餘屠狗佐皇儲  
平城會下闕氏拜誰與娥娟雪嫵書

單于臺畔弭魚旃尺一遙憑使者傳  
十八萬軍宣武節漢家天子自臨邊

沅湘耆舊集

卷第一百十

三

怱怱戰鼓震平涼誰遣要盟狎  
虎狼榆柳蘭州焚伐盡他時父老泣先皇

虎落分防塞下秋水堅又戍海西頭  
西風吹灑三河淚並入寒澗不肯流

黃雲捲盡出星河鳳粟城頭夜按歌  
一種居延海西月清輝不似漢關多

蓬婆雪嶺鬱屏顏馬上西風送雁還  
不信金閨千里夢等閒隨月度蕭關

沅湘耆舊集卷第一百十終



沅湘耆舊集卷第一百十一

新化鄧顯鶴湘皋編輯

鄧縣沈道寬栗仲校訂

周默畊錫渭 六十四首

錫渭字湜甫一字默耕號管漁湘陰人乾隆甲午

舉人所著有志古齋詩鈔默畊爲半帆大令同懷

翁與兄齊名交吾邑吳藺柴孫石溪兩詩老尤篤

其詩才力亦相敵

東坡和淵明赴假江陵夜行詩有寸田且默耕之句

余因取默耕二字爲號次韻三首

鯤鵬笑蓬蒿 蜩鳩嘲南冥 羽翼有差池 各不違其情 羈心

沅湘耆舊集

卷第一百十一

一

積孤枕依依到柴荆 幽夢倏驚散 起坐百感生 倚門同趙

壹 收器殊 醜明氣屈 昨暮兒耿耿 何能平不平 豈今日廿

載 孤蓬征 竟無二頃田 烹葵事春耕 唯有默耕法 心清妙

香縈俯視塵埃中 一餉飛蚊鳴

淵明尾韻名字余不敢和陶故從坡

我才必有用 太白終沉冥 摧眉博一醉 淒然傷我情 君看

隴畝民生不願識 荆斗酒樂餘賸 隻雞招友生 我欲從之

游 謂我非淵明 弱冠盛意氣 鶻薦擬正平 不肯治本業 分

當事遠征再拜謝 其言何年我歸耕 默耕豈生計 暫緩愁

腸 縈蓬心庶已矣 匣劍忽一鳴

神珠非外得 吾聞諸元冥 舍已芸人田 哲士疵其情 寸田

天所賦 但防榛與荆 十畝天所慳 饑走甘平生 胡爲苦纏



結擾我靈臺明宴坐排冥筮礪魄須臾平心與造物遊夢  
隨白雲征穠藜了不事所得踰巖耕吾聞耕亦餒詎免憂  
患縈心虛腹亦實饑腸無由鳴

下第作

始我遊京華睥睨青霄迴春風吹慘綠照座光炯炯科名  
比領鬢珠玉生欬警邨生桂一枝坡翁策三等古人如可  
作直欲長驅竝四薦竟不售恍如夢初醒竄身鄉塾中修  
脯鬻十脰每逢上計吏誓蹲原壤脛今年忽攘臂狂病眞  
莫拯闡中十數藝師友謬首肯古井久無波敢復希溲溲  
果然醜陋質換骨無丹鼎朋儔或歎惋我自忘畦町驪首  
與曝頤不直一酩酊卻思來時路崎嶇况泥滓

由寧夏至  
京山路險

沅湘耆舊集

卷第一百十一

二

峻何以償我勞墨水須灌頂

出都門作

我來同社燕歸去不待秋借問同行客將毋戀舊邱興盡  
久當返復此匝月畱

下第後訛傳太  
挑淹畱一月

一聞鈴馱聲吾儕信

歸休

歸休匪今日歸路况佳哉風沙易水別煙雨穆陵迴五兩  
洞庭艦八景瀟湘臺去去協幽期嗟子云胡來

我來亦已屢肯憚行旅艱廣寧門外柳廿載六度攀哲匠  
謬青眄客子非舊顏五薦不中程吁嗟玄髮斑

白髮忽滿鬢蹉跎四十年壯心旣零落生計殊亦然翁子  
采樵歸蘇季金盡旋妻孥不可說况與眾人言



衆人異好尚匪直刻薄姿逐臭詎謂惡已養疇念饑吾聞  
雲泥隔近在對面時君子賴固窮茲言庶吾師

古風一首呈家大兄時將至寧夏渡河先以此寄

四十年兄弟頗謂得天厚商摧共晨夕風義兼師友少從兄受

業中閒稍乖離直爲饑驅走然猶數數晤一歲七八九遂

申風雨約誓老不相負况君官絕塞子焉寡儔偶妻孥均

未借誰與共杯酒辭家輕萬里來伴東坡叟雲龍甫相隨

肯遠離左右今年詔科下自顧况敝帚君苦促我行寧不

樂聚首感君纏綿意憐我蹉跎久功名無意得相勗不出

口辭君出東門晨光動林阜河冰堅可渡加額競引手時

已解凍先數日車馬有淹沒者驅馬復來歸悠悠竟何有

是日河冰堅送者咸以相慶

沉湘耆舊集卷第一百十一  
三  
徒使春三月別緒牽楊柳勿用酒軟腳茲游直駢拇

半帆兄寄示寧夏采風詩八章蓋德與言兼之顧其

地苦貧瘠頗以逋欠爲憂敬獻一章以廣其意且志

數年來離別之感

長沙舊遊地對牀非一宵復此風雨夜悵望關塞遙執手

不能離寒暑况迭交朔方地磽确西戎畜牧郊沙壓溝塍

沒鹵浸根芟焦刮籬納二稅民命久不聊道無縑屬租官

有課免條彌縫緩鞭撲失簿森州曹心念局中人凜凜寒

生毛開緘覩新作絕塞迴春飈藹如仁人言允矣良吏標

徒歌于薦于德秀未足褒以此達言天聽遐邇均覆燾

方將播惇史而反虞誓誓我觀驟稅書中葉尤驛騷嚴符



下郡縣急牒追逋逃緬惟賢守宰強項視不怵臣職在撫  
字臣肘任掣搖陽城署下考漫叟發哀謠劉摯請中價黃  
灝閻秋苗艱難濟深惠令名固已劭秉茲惻怛心憐彼哀  
鳴嗷懼罪十世宥論善千災消幹局諒何營異患非所招  
苟不歷盤錯奚以徵持操 朝廷况深仁蠲豁亦屢叨遠  
夢作妥帖杜詩千里初妥帖 離思難爬搔朔邑附郡城西風滿塵  
囂一命杜屈色五斗陶折腰襍被誓重來履屐追前勞庶  
幾取豫豐因之詩酒豪展轉彌年歲百感中煎熬雖然山  
澤期久已平生要斗粟待春籩瓜果相迎邀哀樂中年多  
歡娛晚節饒想見清湘上照水三重茅

守菜

沅湘耆舊集

卷第一百十一

四

我身無處著我田不足耕白芥非嘉蔬深春葉青青愛其  
氣味辛切與薑桂并加點鮭菜間煩悶庶一醒樊柳疎隄  
防昏夜竊屢經偵伺代僮僕露坐達五更旁舍或驚詫妻  
孥詎見明所入不償勞寄我學圃情蔬兮飯之半老去願  
易盈分外樞幽討卽景歡平生春林月澹白雨徑煙青冥  
山花落疏籬蛙鼓喧遙睴徘徊不覺曉襟袖清泠泠太息  
生事微半畝可嗟矜採掇適云已浩蕩孤蓬征

題顧生宗海集

寒松無早花朝菌悲夕隕文章雖小技下筆千古近龍門  
貴深思吏部戒捷敏五字斷髭鬚片語愁肝腎世人誇速  
藻頃刻浮海蜃爭求皇甫序那顧士衡晒可憐江淮間黎



棗斬伐盡顧生英妙質哲匠盛推引詞場發軔初道在嚴  
鞞勒慎勿逐時好技癢不可忍蓄寶每希聲前修以爲準  
題唐陶山齊楚丙舍圖

昔聞漢趙宣葬不閉塋隧餘波及後世塋域競揚厲亭標  
永慕名堂署思成字吁嗟一坏土形魄非魂氣紹庭儼陟  
降執玉凜失墜墟墓始生哀何以明不置陶山古孝子情  
識互通蔽圖成兩丙舍滿幅帖叱淚苦云齊楚遠何解幽  
明意徒思麥飯澆詎似雞豚逮古人不合葬亦不重墓祭  
資父以事君道在篤德類君今宰吳江經術飾吏事縣譜  
父書貽酒限慈闈制泉臺定含笑清白家聲嗣香逾黍稷  
馨歡甚斑斕戲猶復松楸域圖畫至再四

君先有陶山望杏園及岱覽圖

沅湘耆舊集

卷第一百十一

五

皆爲太夫人墓而作哀哉孝子心孺慕無弗至以茲風末俗比尸樂  
融洩絕勝少保圖持向牙門示我幼志顯敦謬算百不遂  
分當守墳墓不待義之誓馬鬣况新營宰木悵未植匆匆  
走天涯此身爲誰致無尊罪莫追掩泣促歸騎

寧夏青銅峽禹廟

導河積石至龍門中間疏瀹曾未聞河出塞外數千里折  
爲河套東南奔縱無險礙似底柱詎可闕畧同河源雍州  
貢賦浮積石掩卷茫昧難具論韋精石峽數十丈熙河李  
復頗知津直疑隨刊未到此史臣紀載每失真朔方浚渠  
肇自漢宣房築後西屯田八年於外弗荒度地非五服至  
五千今來峽口見遺廟石室中空外拓肩山經地志不可



考其軼聞之父老云河渠引水在激急廣武直北皆平原  
披沙決河自易易神聖作事圖其難青銅峭壁眞宰鑄巨  
靈縮手陽侯蹲一聲霹靂石忽破萬里奔流山盡吞坎窞  
良止各有職問河公兮何不仁嗟呀怪石似虎豹睥睨不  
放蛟龍前地道流謙有常理風雷逆落黃雲天衝波決起  
百餘尺飛灑滿郡桑麻川塞上七八月不雨夏人振古歌  
有年春秋報賽酬明德此峽非禹誰能刊當年神斧鑿削  
處夕陽照耀痕斑斑何況艾山舊渠堰似禹故迹刁雍傳  
乃知古人戒矜伐美利萬世常不言嗟我遠道矜目見書  
此一補禹貢篇

蘭州河橋詩

沅湘耆舊集

卷第一百十一

六

黃河上與天漢通跋彼織女愁秋空張騫靈槎不可借烏  
鵲架橋風露中夜深西斜雲四卷倒景忽落馮夷宮星官  
事嚴忌漏洩沙磨水激波撞春河神亟勅鬼守護萬古躡  
此神仙蹤不然藏舟夜走山徙澤橫船截河河怒赫長鯨  
巨纜強排格脆弱敢與洪波敵天巧乞與匪人力牛女睽  
目悲陳迹聯翩青雀十二雙隨波上下身低昂繚以朱闌  
覆以板鯨魚曝背鼉鼉梁客路風濤成夢魘中流忽此周  
行儼東通渠搜西氏羌天塹茫茫失其險建橋議肇漢充  
國洪武九年柱鑄鐵輪蹠蹂躪河勿嗔回看東海幾揚塵

送吳三蘭柴歸新化

與子之別歲在卯十年消息飛鴻杳每從莘老問訊君使



我西望心神悄長卿四壁舊寥廓漳水沉痾近纏繞可有  
高情似昔豪直恐良覲從今少明經舉子忙可笑得失於  
君毫末小終然強起爲此來嗚呼始願何時了憂能傷人  
古所歎生不豁意壽亦夭坐令鬢髮兩飄蕭一事無成共  
衰老雖然養生有真訣寸田尺宅非茫渺還家保此百年  
身五嶽前期如皎皎

五月十九日宿懷遠縣李邱家坪回思去年五月從  
半岬兄赴蘭州是夜宿中衛之勝金關家兄買魚置  
酒爲壽蓋以次日余生辰也今又一年矣歲月如流  
忽焉至四十名場得失何與素懷從此躬耕寧非至  
樂耶顧並不可得而客路崎嶇世情齟齬半生辛苦

沅湘耆舊集

卷第一百十一

七

何日息肩孤館悶坐遂賦一首

去年此日日沒西陵金關上看南斗阿兄買得鯉魚肥慰  
我龍鍾三十九今年此日榆林塞獨立蒼茫無匹偶離家  
歲月總關心失意年華如覆手隔朝平頭四十秋攬鏡衰  
顏獨何厚半生奔走風吹籜五度瑁璪魚貫柳豈獨無聞  
不足畏漸覺見惡動得咎嗟哉尤士何處著老矣儒冠真  
可醜誓將此犢了生涯問稼學圃從田叟卻望家山更惆  
悵負郭二頃吾何有且隨坡老過秋風醉我新詩勝美酒  
去年楊蓉裳刺史以橫城登高詩見示匆匆未及屬  
和頃間見其幕客石午橋和章遂追作一首仍次蓉



君不見彭城戲馬臺嵒堯宋公九日來登高一時僚屬盡

才俊清詞揮灑翻江濤風流盛事誰復繼黃樓坡老曾濡

毫海寶塔前作重九去年登高於此獨騎瘦馬沿城壕側帽自羞

華髮短對酒更怯螟蛉豪豈有新篇酬令節但覺意氣無

雄驚蓉裳先生古良牧詩才更似切玉刀少年已奪温李

幟一變欲與韓蘇麈邏隴山前送夷使名王僮僕華音操

爭要衣裳襲冠帶畢獻方物牽旅葵聖人建極教四

訖絕傲同軌車連鑣作詩宣布刺史事參軍倔強右屬囊

我聞撒拉昔猖獗乾隆辛丑拉冠蘭州花門勢面連睢尻跳梁自恃

醜類眾壓陣屢遣官軍囂邑中狐鼠慝並作郡內薤本嗟

難孺先生一臂捍東面蓉裳時在伏羌令不假烝土城偏牢指揮

沅湘耆舊集卷第一百十一

吏卒義氣奮陣雲團結山周遭賊人膽破軍中范虎臣踵

繼淑問臯上命嘉勇侯福康安公討平之夜深父老話遺事耳邊彷彿

豺狼嗥論功移節駐靈武蓉裳以軍功擢靈州牧公餘詩酒相遊遨

伏羌紀事流傳遍蓉裳有伏羌紀事諸詩惜我未見心忉忉廬陵嘗

言平戎競何事自古無不由吾曹丈夫姓名須磊磊君乃

餘事兼風騷嗟余壯志百不遂塞垣兩度重陽饒畏人自

笑同廁鼠將糖詎敢評蟹螯何當一舸徑歸去春江綠漲

新葡萄

庚戌下第後仍赴寧夏代書寄內

天壤乃有郎丈夫不如此年年嘲坦率今歲寧復爾聞中  
日夜卜金錢而我蹉跎似昔年翦羽籠中看過鳥騎驢路



側避金羈辛勤寒女手中絲衣工棄之忽如遺蛾眉淡掃  
嫌粉污畫手一抹千瘢胝此時此恨誰與語非癡非醉君  
寧知飄零又向榆關道廿年夫婦天涯老萬里孤雲鳥路  
長三更對泣牛衣好阿棠懶惰不學殖今且受室誇要襖  
浪遊我愧爲人父須知母道非姑息嬌女索抱牽吾裾大  
者還來問我書與君對酒共歡笑覺來月照窗紗虛以茲  
感歎心如結歸期儻及初冬雪一語屬君休下機下機更  
使余愁絕

奉題唐陶山兄迓軒小聚圖

許武愛弟僞割產貪婪大譏躬自踐禮有分異家別居畢  
竟此語出何典武安赫然稱漢相兄弟坐判東南嚮何況

沅湘耆舊集

卷第一百十一

九

風雨日侵尋楹淪壁陷尤悲愴陶山孝友本性成荆南作  
吏歲頻更幾度看雲眠憶弟時復陟岡瞻望兄官齋先後  
行旌駐尙怨伯氏來何暮呼兒火急掃風軒庭前照耀三  
珠樹梁羅阿虎聞伯來滿攜梨橘陳樽罍小者直前捧伯  
手數歲不見無疑猜阿咸存叔亦至止團圞笑語春風裏  
飲少忽盡數大觥鵲聲遙助賢侯喜是時紫金花照廊滿  
園竹石皆輝光坡老河東移守日崔家京兆德星堂分形  
同氣誰不念伯歌季舞真無忝世人但解樂妻孥請看迓  
軒小聚圖

題秋屏蘭汀圖

與君生長離騷國年年九畹春無極數灣流水到君家蘭



若沿溪春一色此圖作自何人手燕臺展玩徘徊久恰似  
湘江解纜時細雨汀洲一回首緣崖傍石花離披寫伴先  
生書帶宜謂余草木同臭味索句要與蘭言期故園風物  
牽情遍王孫芳草遊非倦含香握蘭持祝君種花乞我河

陽縣時余需次京邸

均州舟次酬小令贈別之作用茶川韻

暮潮迎櫂起蘋花搖颺心情水一涯惜別萍蹤俱泛泛對  
愁漁火自家家謝羅曉霧侵衣濕峴首垂楊壓帽斜他日  
相思清漢水兩年歧路慰深嗟

武昌南歸寄呈廉鎮梁冲泉先生

新秋簷鵲曉窗華玉宇西風漢使槎夏口濃雲晴繞郭南

沅湘耆舊集卷第一百十一

十

樓明月夜生華城中耆舊仍三楚亭畔笙歌擁萬家十載  
門墻重接席槐陰清映碧煙紗  
鄢路離心日夜潮故園歸路總迢迢經年客路三隴繞此  
去扁舟一葉飄細雨黃陵漁火暗西風紫蓋雁聲遙臨歧  
不盡楊朱感天宇秋清認斗杓

自寧夏之京留別家兄四首

露宿風餐夙債多天明騎馬渡黃河城頭驛路寒雲色隴  
上離愁折柳歌舉子文章慙鹵莽長安歲月易蹉跎對牀  
火急尋前約六十匆匆小劫過

湘浦詞人山澤矐詩籤茗椀足歡娛榻來官裏賢勞甚况  
復邊庭版籍殊春水溝渠資堵築秋風戶口易逃逋賈蘭



山下經過屢莫遺霜華上鬢鬢

兩載心期抗嶄巖臨歧欲去語誦誦花間啄木能調舌地上騏驎始著銜官似淵明腰暫折道逢陽虎口須緘從來利器關盤錯世路荆棘詎可芟

潦倒名場萬念休一經舊德感松楸春風隴上恩綸

賁夜雨堂前夙願酬容我故園乘下澤爲君佳處覓菟裘

匆匆又向長安道古戍寒笳起客愁

重至京邸書懷

忽復乘舟夢帝鄉九門佳氣鬱蒼蒼春風太液雙黃

鵠曉日層樓五鳳皇薇省諸公開典禮蘭臺羣彥盛詞章

東巡扈從歌

功德

天語煌煌陋漢唐

沅湘耆舊集

卷第一百十一

十一

十載寒郊晝閉扉重來京雜昔人稀楊朱惻惻歧途恨區  
子熒熒舊日輝底事踏春隨少女誰能學語似稀妃晚來  
夢落瀟湘水鷗鳥分明笑我非

敖陽旅次見金閨女子李若蘭題壁詩玩其詞意似

已賣人爲妾尙在道途者書亦韶秀次韻四首

杜陵昔賦新婚別絲蔓憂心附斷蓬况復小星參與昴不

堪遠道雨和風隨鴉自古誰憐鳳策蹇嗟子尙避驄時途中有

御史外任車蓋甚都昨夜瑣窗訴懷抱醒來殘夢惜匆匆

豈有前綏惠夢中爲誰憔悴首如蓬淚容寂寞梨花雨佳

句芊綿柳絮風德曜自操梁氏白羅敷枉駕使君驄憐卿

門戶何零落細馬馱來計已匆



芳名采入楚詞中盡掃人間艾與蓬桃葉虛迎江上水蕉  
心暗折夜來風身如翦羽雕籠鳥詩寄看花綺陌驄苦說  
荒雞催促甚草書何事不匆匆

廿年黎棗植胸中底事如今尚有蓬寄恨欲憑千里月如  
花生怕五更風也知釋氏空爲色不信詩人妾換驄瓊蕊  
優曇誰是主情鍾我輩莫匆匆

湘中覽古二首和孫蘅皋

起杓

五兄原韻

并序

時歲在甲寅授徒長沙蘅皋司鐸善化晨夕過從無間  
曩與蘅皋負笈嶽麓距今二十餘年不謂乃復棲遲嘯  
傲於此白髮誦論語豈其夢耶顧念子與蘅皋蹤跡離  
合非一由前準後此情此景可多得耶耦耕舊約五嶽

沅湘耆舊集

卷第一百十一

三

前期悠悠千載之心永以爲好臨風悵望情見乎詞

楚水湘山望不窮幾回惆悵與君同如何一片新秋色又  
向蒼茫落照中賈傅祠堂苔發雨定王宮殿蓼園風悲來  
不獨緣陳迹我輩行蹤半雪鴻

熊湘山閣俯重湖少昊開天置此都青草白波趨夢澤片  
雲孤影落蒼梧千春蘭蕙離騷國九面芙蓉奧密區便欲  
忍饑從采藥可能薯蕷乞仙癯

廣陵懷古

中流砥柱全節義  
寄謝  
數千里  
風

紫塞蒼梧一望并千秋淮海盛麾旌漢廷刺史徐州部晉  
代將軍北府兵皂角林前孤樹影佛狸祠外亂鴉聲可憐  
風月維揚地未覺繁華抵戰爭



揚帝龍旂拂地來要逢後主鬪雞臺

揚州志鬪雞臺即吳公臺

三千殿

腳笙歌沸四十離宮錦繡堆汴水楊花朝落盡雷塘螢火  
夜飛回蒼茫不獨蕪城感會費參軍作賦才

玉鉤斜畔吹臺旁燕舞鶯啼日日忙廢苑草拖裊帶綠名  
園花發御衣香春風十里珠簾捲明月三更水調長小杜  
青樓誇薄倖憐才千古一奇章

百尺欄杆倚碧空蜀岡憑眺意何窮海門山色鷓鴣雨瓜

步潮聲荻葦風蛾子功名杯酒外

淳于勢宅在揚州卽南柯夢處

閣黎故

事笑談中興來欲覓龍蛇壁喚起當年六一翁

奉題唐陶山岱覽圖

圖爲省大夫人墓而作

崢嶸意氣小寰區卻說當年陟屺圖若木曉光明翠巘枯

沅湘耆舊集

卷第一百十一

三

菱秋影落墳隅焚黃久駐林前騎助祭時聞樹杪烏乘興  
偶攜煙九點望雲還復此踟躕

眼底名山夙願乖試憑清夢到崔嵬仙人石室春雲閉地

主祠遺夕照開萬里河流縈作帶一泓海水瀉如杯牽絲  
莫道吳門遠白馬當年入望來

九日登高感懷昆弟

籬繞黃花側帽行翠微閒坐席殘英平林葉盡秋無影小  
浦風迴雁有聲一逕盤紆苔蘚滑故園指點夕陽明天涯  
兄弟人三處欲插茱萸百感生

二月朔日靖邊縣道中作

邊庭無日不飛沙入塞翻愁鳥道賒一線勢爭千丈險二



分足倚半空斜回頭只覺身如夢此去真將命乞花試望  
鄉關登絕頂暮雲何事苦相遮

無題

謾學羅敷前致詞爭誇夫婿絕堪嗤料應多少傷心事欲  
說先愁阿母知

二月春風倒蕩吹綠楊無主任東西不知何預流鶯事飛  
上枝頭不住嗁

嬌羞肯作倚門顰自古紅顏造物嗔廿載天涯慣零落爲  
君振觸一沾巾

花朝日始見桃花井陘道中作

征衣雪霰未全消兩岸紅雲罨畫橋總怪固關春色早那  
沉湘著舊集卷第一百十一

知今日是花朝

蠶秋雜咏

一束新柴一束蘆儂家璘藉早應敷絲成更把金錢卜賣  
向湖州賣向蘇

簇簇山頭雪作堆松窗一桁向風開箇中采得同功繭不  
羨鴛鴦對宿來

真箇今年勝去年惜花天是養蠶天幾番懊惱何須說蠶  
欲眠時儂不眠

落紅滿地捲簾遲孤負春光又一時蠶命也如儂命薄情  
深吐出一絲絲

爲防生客帖黏門桑葉陰陰護一村今日無聊還對鏡黛



眉不似遠山痕

三盆獻繭近端陽  
女手纖纖盡日忙  
聽罷纜車蠶務畢  
田家罕見綺羅裳

鄰家姊妹共相期  
須計宵來起莫遲  
但看樓頭楊柳月  
四更天氣飼蠶時

家家戶上帖蠶花  
無數籩筐滿屋遮  
最是夕陽堪畫處  
采桑梯倚綠楊斜

雪白新絲纜幾束  
同功繭子見來希  
兒童剪破蛾兒出  
變作尋芳蛺蝶飛

春光澹沲鳥聲中  
桑柘成陰一徑通  
紅袖不知何處女  
提筐喧度綠槐風

沅湘耆舊集

卷第一百十一

五

采桑歸去半斜曛  
一曲歌聲隔隴聞  
燕子似憐人寂寞  
雙掠過石榴裊

三間茅屋小橋西  
永日蠶家上簇齊  
漸聽纜車聲軋軋  
深閨辛苦學添梯

10922







